



KALAALLIT NUNAANNI MEEQQANUT  
INUUSUTTUNULLU ATUGARLIORTUNUT  
PITSAANERUSUMIK SULINIUTEQARNISSAQ  
PILLUGU KALAALLIT QALLUNAALLU  
OQARTUSSAASOQARFIISA  
ASSIGIINNGITSUNIK SULIALLIT  
AKORNANNI SULEQATIGIINNEQ

INAARUTAASUMIK NALUNAARUSIAQ,  
2020-P AASAANERANI



AGGUSTI 2020

ASSIT: Christian Klindt Sølbeck:

q. 2-3, 4, 6, 8, 9, 12, 15, 16, 22, 29, 31, 32, 33, 36, 44, 46, 49, 68.

Troels Trier: q. 1, 7, 53, 63.

TITARTAGAQ: valdefar.dk

ILUSILERSUISOQ: irisager.gl

# Imarisai

Aallaqqaasiut .....	4
1. Sulinermut sinaakkutit .....	6
Aningaasalersuineq .....	8
2. Innersuussutit 16-it naatsumik oqaluttuaralugit .....	9
Siusissukkut suliniuteqarnerup pinaveersaartitsinerullu patajaallisarneqarneri .....	11
Kommunini meeqyanut inuusuttunullu tunngasuni sullisisarnerup pitsangorsaavigineqarnera .....	12
Meeqyanut inuusuttunullu atugarliortunut neqeroorutit amerlanerusut .....	13
Meeqqat inuusuttullu kinguaassiutimikkut atornerlunneqarsimasut inatsisitigut illersugaanerisa annertusarneqarnissaat .....	14
3. Kalaallit Nunaanni meeqqat inuusuttullu atugarliortut atugaat .....	15
Sumiginnaaneq .....	18
Kinguaassiutitigut atornerluinerit .....	23
Aningaasaatikilliorneq ineqarnermilu pissutsit .....	23
Meeqqat inuusuttullu angerlarsimaffiup avataanut inissinneqarsimasut .....	25
Imminut toqunneq .....	26
Kikkut kannguttaatsuliortarpat? .....	27
Sulisussarsiorneq attassinerlu .....	28
Ilinniartitaaneq siunissarlu .....	30
Eqikkaaneq .....	31
4. Meeqyanut inuusuttunullu atugarliortunut pitsaanerusumik suliniuteqarnissamut innersuussutit .....	33
Siusissukkut suliniuteqartarneq pinaveersaartitsisarnerlu .....	34
Kommunini sullissinermik pitsangorsaaneq .....	39
Meeqyanut inuusuttunullu atugarliortunut neqeroorutit amerlanerusut .....	40
Meeqqat inuusuttullu kinguaassiutikkut atornerlunneqarsimasut inatsisitigut illersugaanerat pitsangorsarneqassaaq .....	43
5. Malitseqartitsineq Atulersitsinerlu .....	46
Takussutissiinerit malitseqarttinneqarnerat .....	47
Atulersitsinermut suliatigut periaatsitigullu ikorfartuineq .....	48
6. Innersuussutit itisilerlugit nassuiarneri .....	49



# Aallaqqaasiut

Meeqqap peroriartornerani toqqissisimaneq, asanninneq patajaassuserlu pingarner-paajupput. Inuunermi ingerlalluarnissamut qajannaatsumik peroriartorneq tunngavinni pitsaanerpajusoq ilisimavarput. Kalaallit Nunaanni meeqqat inuusuttullu amerlaner-paartaat pitsasumik toqqissimasumillu atugaqarlutik peroriartorput. Kisitsisilli ajoraluartumik ersarilluinnartunik takussutissiippuit. Kalaallit Nunaanni meeqqat pingajorarterutaasa missaasa meeraanerat sumiginnaanermik angajoqqaallu amigar-tumik akisussaaffimmik tigusisinnaassuseqarnerannik imaqarput. Meeqqallu 1995-imi kingornaluunniit inunngorsimasut tallimaasa missaat kinguaassiutimikkut atornerlun-neqarsimapput.

Meeqqamik atornerluinerit tamarluinnarmik pisussaanngillat.

Ukiuni makkunani ilorraap tungaanut ineriartortoqarnera takusinnaavarput: Ajornar-torsiutit ammanerujussuarmik pissuseqarfingeqalersimapput. Amerliartuinnartut

misigisimasaminnik oqaluttuarlutik sassartalersimapput. Paqumiginnittarnerit qaanerneqartalerput. Inuaqatigiinni mikisuni amerliartuinnartut aamma killiliisalerput, ilaatigut nalunaarutigineqartut amerlanerulernerisigut. Massakkut iliuuseqartoqartariaqarneranut piumassuseqarneq sianissuseqarnerlu pilersimapput. Piumassuseq taanna matumuuna tikilluaqqujumavarput.

Meeqqanut artorsaateqarnerpaanut immikkut akisussaaffeqarpugut. Meeqqanut inuusuttunullu atugarliortunut, kinguaassiutitigut kannguttaatsuliorernut sumiginnanermillu nalinginnaasumik pinaveersaartitsinermik suliniuteqarnerup patajaallisarnissaanut Naalakkersuisut ukiuni kingullerni naalakkersuinikkut anguniagassanik, periutsinik iliuusissatullu pilersaarutinik akuersisimapput.

Kalaallit danskillu ataatsimoorlutik suliniarnerat naalakkersuinikkut angorusutanik aallaaveqarnermik, ersarissaanermik inerisaqqinnermillu aallaaveqarpoq. Kalaallit Nunaannimi meeqqat inuusuttullu atugarliortut suliniuteqarfiginerisa pitsangorsaa-viginissaat sapinngilarput – iliuuseqarfigissavarput – ingerlattuassavarput.

Meeqqat inuusuttullu atugarliortut atugaat pitsangorsarniarlugit suliassaq oqimal-lunilu pisariuvoq. Pitsangorsaatit annertuut ataavartullu angussagaanni inuaqati-giinni ukiorpassuarni ataatsimut kivitsisoqartariaqarpoq. Meerartatta isumassorne-qarnerisa qulakteernissaannut kikkut tamarmik peqataasariaqarput. Suliassarpas-suaqporlu.

Pineqartut – tassalu meeqqat inuusuttullu atugarliortut – ersarissumik allannguite-qartitsiviginissaannut peqataasussanik innersuussuteqarlunilu aaqqiissutissarsior-nissaanut suleqatigiissitaq piumaffigisimavarput. Suliniutit tassaapput, Kalaallit Nunaanni piujuannartitsisumik piffissami qaninnerusumi, akunnattumi ungasinne-rusumilu allannguiteqartitsisussat.

Kalaallit Nunaanni assigiinngitsunit tunniunneqartut tusarnaarneqarlutillu katersorne-qarput, tamarluinnarmillu nuannaarutigineqarput. Tamassi unneqqarillusilu toqqaan-nartumik tunniussaqarpusi suleqatigiissitallu unammillernissaanut sapiissuseqarsi-mallusi. Sulinermi matumanilanganngussaqarsimasunut tamassinnut tamatsinniit qujas-suteqarfigiumavassi. Sulinerup ajornartortaa massakkut tikipparput – tassalu inner-suussutit piviusumik allannguininnortinnissaat. Allannguinerit, Kalaallit Nunaanni meeqqanut inuusuttunullu atugarliortunut inuunerminni immikkoortumik nutaamik aallartitsinissaannut aallarniutaasussat.

Ajornartorsiutit qaangerniarlugit iluaqutaasunik arlalinnik iliuuseqartoqarsimanera qujanartumik takuarput – ineriertorneq piviusumik aallartinneqarsimasoq. Tamanna neriuuteqalersitsivoq upperaarpullu iluatsissinnaasoq. Ilutigitillugu uppernarsivarput suli ajornartorsiuterpassuaqarmat iliuuseqarfigineqartariaqartunik. Tamanna ataatsi-moirluta sulissutigissavarput. Kikkullu tamarmik akisussaafferujussuaqarput – Namminersorlutik Oqartussanit najukkani inuaqatigiinnut – suliassaqarfimmi pingaa-utilimmi pingaarnersiuinissamut kivitsinissamullu.

Meeraq Kalaallit Nunaannilu siunissaq pitsaanerusoq upperalugit siunissaqartitsisa.

*Martha Abelsen, Isumaginninnermut, Ilaqutariinnut Inatsisinillu  
Atuutsitsinermut Naalakersuisoq*

*Astrid Krag, Danskit social- og indenrigsministeri*

# 1. Sulinermut sinaakkutit





Kalaallit Nunaanni meeqqat inuusuttullu atugarliortut suliniuteqarfiginerisa patajaallisarnissaanut Naalakkersuisut Danmarkimi naalakkersuisunut 2019-imi ikioqqullutik saaffiginnipput.

Naalakkersuisut Siulittaasuat statsministerilu ulloq 12. juuli 2019 isumaqatigiipput, kalaallit-qallunaallu oqartussaasoqarfiiisa assigiinngitsunik suliallit akornanni suleqati-giissitalioriarlutik, Kalaallit Nunaanni meeqqanut inuusuttunullu atugarliortunut suliniutigineqartut patajaallisaaffiginissaannut aaqqiissutissanik siunnersuusiortussamik.

Isumaginninnermut Inatsisinillu Atuutsitsinermut Naalakkersuisup Martha Abelsenip aamma danskit social- og indenrigsministeriat Astrid Kragh suliassat allassimaffiat ulloq 10. oktobari 2019 atsiorpaat. Ilutigitillugu kalaallit-qallunaallu oqartussaasoqarfiiisa ataatsimut suleqatigiissitaat Isumaginninnermut Inatsisinillu Atuutsitsinermut Naalakkersuisoqarfimmit (massakkut Isumaginninnermut, llaqtariinnut Inatsisinillu Atuutsitsinermut Naalakkersuisoqarfik), danskit social- og indenrigsministeriaqarfimmit, Justitsministeriaqarfimmit Kalaallit Nunaannilu kommuninit peqataaffigineqartoq pilersinneqarpooq. Naalakkersuisut Siulittaasuata Naalakkersuisoqarfia, Statsministeriaqarfik, Aningaasaqarnermut Naalakkersuisoqarfik aammalu Finansministeriaqarfik nakkutilliisutut peqataasimapput.

(linki: <https://naalakkersuisut.gl/-/media/Nanoq/Files/Attached%20Files/Familie/GL/2019/KAL%20kommissorium%20underskrevet.pdf>)

Sulineq 2019-imi oktoberimit 2020-mi aggustip tungaanut ingerlanneqarpooq.

Suleqatigiissitaq Kalaallit Nunaanni angalavoq, kommunini tallimaasuni pisortanik, sullisisunik kiisalu isumaginninnermik peqqissutsimillu suliaqartunik allanik ataatsimeeqateqarnernit misilitakkaniq immersuinernillu katersuilluni. Ilaatigut ulloq unnuarlu paaqqinniffinnut, meeqqerivinnut, atuarfinnut, qimarnguinnut Majoriamullu aamma pulaartoqarpooq.



Tamatuma saniatigut suleqatigiissitaq ilinniarfinnit peqqinnissaqarfimmiillu inunnit immikkut ilisimasalinnit, MIO-mit, Kalaallit Nunaata politiivinit aammalu Pinerluttunik lsumaginnittunit ilisimasanik piniarnikuuvooq. Kiisalu Kalaallit Nunaanni Danmarkimilu inuiaqatigiinni suliaqartartut assigiiungitsorpassuit oqaloqatigalugit ataatsimeeqatigineqarsimapput. Isummanik avitseqatigiinnissaq aammalu suliniarnermut innersuusutsissanik siunnersuutissanillu akuersissuteqartoqarnissaa siunertaralugu suleqatigiissitap suliaqarnera soqutigisaqartunut attuumassuteqartunut ingerlaavartumik saqqummiunneqarnikuuvooq.

### **Aningaasalersuineq**

Danskit naalakkersuisui, Venstre, Dansk Folkeparti, Radikale Venstre, Socialistisk Folkeparti, Enhedslisten, Det Konservative Folkeparti, Alternativet kiisalu Liberal Alliance isumaginninnermik, peqqinnissaqarnermik sulisoqarnermillu suliassaqarfinni 2020-2023-mut sulissuteqarnissamut immikkoortinneqarsimasut piviusunngortinnissaannut novembarimi 2019-imi isumaqatigiipput sulinermut katillugit 80 mio. kr.-it pingaarnersiorlugit atugassiissutigineqassasut.

Aningaasaliissutissanut inatsimmut atatillugu ukiumi tulliuttumi eqqartuussiveqarnermut tunngasuni suliniutissanut aningaasanik immikkut immikkoortitsisoqarnissaanut aningaasanik pissarsisoqarnissaa Danskit naalakkersuisua siunertarivaat.

## 2. Innersuussutit 16-it naatsumik oqaluttuaralugit



Suleqatigiissitamit aaqqissutissat anguniagallit 16-it innersuussutigineqarput, ataatsimoortikkaanni Kalaallit Nunaanni meeqqat inuusuttullu atugarliortut atugaan-nik pitsangorsaaqataasinaasut meeqqallu pisariaqartitaasa saliunneqartuartarnissaannik qulakkeerisussat.

## BOKSI 2.1

### Aaqqiissutissatut innersuussutit ataatsimut isigalugit:

- Siusissumik iliuuseqarneq pinaveersaartitsinerlu pingarnersiorlugit, atugarliornermik, sumiginnarneqarnermik innarlerneqarnermillu ersiutit sapinngisamik siusinnerpaamik paasineqarsinnaaqqullugit.
- Meeqqat inuusuttullu pillugit suliassaqarfimmi kommunini sullissinerup pitsangorsarneqarnissa, nalunaaruteqartoqarnerni oqartussat ullumik-kornit sukanerujussuarmik qisuariarsinnaatilerlugit.
- Katsorsaanissamut neqeroorutit amerlinissaat, illoqarfinni nunaqartinnilu meeqqat inuusuttullu atugarliortut suli amerlanerusut ikiorneqarsinnaatilerlugit.
- Meeqqat inuusuttullu kinguaassiutimikkut atornerlunneqarsimasut inatsisitigut illersugaanerisa annertusarneqarnissaat



## **Siusissukkut suliniuteqarnerup pinaveersaartitsinerullu patajaallisarneqarneri**

Sumiginnaasarneq pinaveersaartissagaanni siusissukkut suliniuteqartarneq iliuusis-sani qitiuvoq. Iliuuseqajaaraanni ajornartorsiutit pinngornissaat ineriartornissaallun-niit pinngitsoortikkuminarnerussapput. Pinaveersaartitsineq meeqqat inuusuttullu pitsaasumik atugaqarnerannik qulakkeerisinnaavoq neqeroorutinillu pisariaqartitsi-nermik annikillitsilluni. Pinaveersaartitsinakkut angajoqqaat nukissaqarnerisa pigin-naasaqarnerisalu pitsangorsarneqarnissaat aamma qulakkeerneqassaaq. Ilutigitil-lugu meeqqat inersimasunik piginnaasaqartunik, peroriartorneranni atugassaqartit-sisinaasunik siunnersuisinnaasunillu naapitsisinnaalernerannik malitseqassaaq.

Inuaqatigiinni inuit suliniartut najukkami inuaqatigiinnik oqartussaasunillu ataatsi-moortitsilersinnaassusaat atorneqarnerujussuussaaq. Taakkuupput ilaqtariinnut atugarliortunut ikiuniarsinnaasut oqartussaasut pisinnaasaannit allaanerusumik tati-ginninnermik toqqisisimanermillu takutitsisinnaassuseqartut. Taamaammat ilippa-naataat tamakkerlugu atorluarneqartariaqarpoq oqartussaasut peqatigalugit mee-qat inuusuttullu atugarliortut atugarliornerannik sumiginnarneqarnerannillu ersiutinik siusinnerusukkut takunnissinnaalernissamut peqataassallutik.

### **BOKSI 2.2**

#### **Siusissukkut suliniuteqarnerup tulleriaarinermi qaffatsinneqarnissa innersuussutigineqarpoq.**

1. Ilaqtariinni atugarliortuni angajoqqaatut piginnaasat pitsangorsarnissaan-nut ikiorneqassapput naleqqussaqqissaakkanik pikkorissartinnerisigut meeraaqgerinerimullu siunnersortinit annertuumik ikorfartuinikkut.
2. Sullisisut peqqissaasullu/ernisussiorttullu akornanni suliassaqarfiiit assigiingitsut suleqatigiinnerat pitsangorsarneqassaaq, atugarliornermik sumiginnaanermillu ersiutit siornatigornit sukkanerusumik paasineqarlutillu iliuuseqarfigisinnaaqqullugit.
3. Ullukkut neqeroorutini sulisut atugarliornermut sumiginnaanermillu ersiutinik sukkanerusumik paasinnissinnaalersinnissaannut pikkorissar-neqassapput piginnaasaallu ineriartortinnejarlutik.
4. Meeqqat pillugit suliassaqarfimmi isumaginninnikkut nammineq piumas-sutsimik suliaqartut atugaat pitsangorsarneqassapput, isumaginninnikkut ajornartorsiutinik sapinngisamik sukkanerpaamik aaqqiissuteqarnissamut inuaqatigiinni inuit suliaqartut pitsaanerusumik periarfissinniarlugit.





## Kommunini meeqqanut inuusuttunullu tunngasuni sullissisarnerup pitsangorsaavigineqarnera

Meeqqat ilaquaasallu atugarliortut pisariaqartitaannik ikiorneqassappata kiisalu sumiginnaneq atornerluinerlu piffissaagallartillugu unitsinnejassappata sullissisoq pikkorissoq aalajangiisuulluinnarpoq. Suliasalli oqimaappallaartarpuit allaat kommu-nit malinnaasinnaanatik. Tamassumunnga suliassat amerlassusaat, ilinniartitaanikkut kingulerunneq sulisunillu amigaateqarneq pissutaapput. Piginnaasakkut ilinniartita-anikkullu eqqortumik pigisaqaraluaraanniluunniit inuiaqatigii agguataarnerisa ineriar-tonerannik pissuteqartumik innuttaasut atugarliortut isumaginissaannut assassaa-leqisoqassaaq. Suliat ikilisinnejartariaqarpuit sullissisut siunissamut piffissamullu ungasinnerusumut takunnissinnaanissamut nukissaqalersikkumallugit. Suliani qalerii-aarpassuarni takuneqarsinnaanngitsutut inissisimalersimanertik pissutigalugu mee-qat ikiorneqanngitsutut misigitinneqassanngillat.

### BOKSI 2.3

#### Kommunini meeqqanut inuusuttunullu tunngasuni sullissinerup malunnaatilimmik pitsangorsaavigineqarnissaa innersuussutigineqarpoq

5. Kommunit suliassaqarfii assigiinngitsut suleqatigiinnerisigut taartinillu sulisoqarnikkut meeqqanut inuusuttunullu tunngasuni suliat attorneqanngitsut ikilisinnejassapput.
6. Kommunini tallimani sullissinermi periutsit ataatsimoortut atortinneqalis-sapput, kiisalu elektroniskimik sulianik allagaatinillu aqtsissummiq atuu-titsilernermik isumaginninnikkut suliaqartut ikorfartuinissaasa ingerlanne-qernerat ilutigalugu sulisut aqtsisullu piginnaasaat qaffassarneqassapput.
7. Isumaginninnermi meeqqanut inuusuttunullu tunngasuni sulisunut pikkorissaanerit pioreersut tamarmik misissorneqassapput internetsi atorlugu pikkorissarfissanut isaaffliornikkut, pikkorissarfissat naleqqus-sarnerisigut pikkorissarnerillu amerlanerusut soraarummeerutigineqar-sinnaanerisa qulakkeernerisigut.

## Meeqqanut inuusuttunullu atugarliortunut neqeroorutit amerlanerusut

Meeqqat inuusuttullu atugarliortut pitsasumik meeraanissaat qaamasumillu siunisaqarnissaat pissusissamisoortariaqarpoq, ulluinnarni inuunerat allatuulli ittarraqarluni. Taamatut killinnissaannut avatangiisiini qanittuaniittunit ikiorneqarnissaminnut neqeroorfigineqassapput. Ullumikkut suliniutinik arlalinnik ingerlatsilluartoqareerpoq, matumanimeeqqat inuusuttullu ilaquaallu ikiornissaat qitiutinneqarluni. Tamanna ilaqtariinnut sullissivinnit aammalu meeqqanik katsorsaajartorlutik angalasartoqatigiinnit atuutsinneqarpoq. Kisianni isumalluutit maannakkut atuutsinneqartut taa-makkallartillugit pisariaqartitsinermik naammassinnissinnaanngillat. Taamaammat pitsanngorsaavagineqassapput, taamaalilluni meeqqat tamarmik ajortut naaffeqanganinnerinik kipititsisinnaanissaminut tapersorsorneqartutut misigisimaniassammata peqqinnartumillu ineriaartulerniassammata.

Piffissaq sivikinnerusoq eqqarsaatigalugu meeqqat sanngiinnerpaaffianni aammalu pisuni angajoqqaaminiissinnaanatik inissimaleraangata illersorneqarnissaat pisariaqarpoq. Taamaammat meeqqanut qimarnguinnik pilersitsisoqassaaq, oqquffissarsiorfigisinnaasaannik illersortissarsiorfigisinnaasaannillu, kingornatigullu isumaginninnermut ingerlatsivik angerlarsimaffimmi pissutsinik malitseqartitsissalluni.

### BOKSI 2.4

#### Meeqqanut inuusuttunullu atugarliortunut neqeroorutit amerlineqarlutillu pitsanngorsarneqarnissaat innersuussutigineqarpoq.

8. Meeqqanut inuusuttunullu atugarliortunut meeqqanut ornittakkat pilersinneqassapput, unnukkut, unnuakkut sapatillu akunnerisa naanerini toqqisisimaffissaqaqqullugit.
9. Ilaqtariinnut sullissiviit meeqqanut inuusuttunullu atugarliortunut ilaquaannullu samminnerulersinneqassapput.
10. Meeqqanik katsorsaajartorlutik angalasartoqatigiit pioreersut marloriaatinngortinneqassapput meeqqat inuusuttullu amerlanerusut illoqarfisia-minni nunaqarfisaminnilu ikiorneqarsinnaalersillugit. Ilutigitillugu Qitiusumik Siunnersuisarfik pitsanngorsarneqassaaq.



## Meeqqat inuuusuttullu kinguaassiutimikkut atornerlunneqarsimasut inatsisitigut illersugaanerisa annertusarneqarnissaat

Meeqqat inuuusuttullu toqqissisimanermik pisariaqartitsinerat qulakkeerneqassaaq kinguaassiutsimkullu atornerlunneqarnissamut illersorneqarlutik. Kinguaassiutitigut atornerluineq unitsinneqassaaq, kannguttaatsuliorfigineqarsimasut kannguttaatsuliortartunngortarnerannik ajortumik uteqqianeq kipitinneqassaaq. Kinguaassiutitigut atornerluinerit pineqaatissiisutigineqartarnerat erseqqissumik kalerrutigineqas-saaq. Sakkortunerusumik pineqatissiisalerneq, sukumiinerusumik kinguaassiutitigut atornerluinernik misissuinerit, kiisalu kannguttaatsuliortut pineqaatissinneqarsimasut pillaatisinerisa nalaanni kingornalu katsorsarneqarnerat ajornartorsiutip aallaavianik isumaginnissaaq atornerluisoqaqqinnissaanillu pinngitsoortitsissalluni.

### BOKSI 2.5

**Kinguaassiutimikkut atornerlunneqarsimasut inatsisitigut illersugaanerat annertusangaatsiarneqarnissaanik annertumik iliuuseqartoqarnissaa innersuussutigineqarpoq.**

11. Meeqqanik kinguaassiutitigut pinngitsaalialiilluni kujannittoqarsimatillugu allatulluunniit atoqateqartoqarsimatillugu suliani, sakkortuumik pineqaa-tissiisarnerup sivitsorneqarnissaa.
12. Kalaallit Nunaanni Politini immikkoortortamik meeqqanut kinguaassiuti-tigut atornerluinernik akiuinermk suliaqartussamik pilersitsineq.
13. Kalaallit Nunaanni Pinerluttunik Isumaginnittuni insertitat kinguaassiuti-tigut pinerluuteqarsimasutut pineqaatissinneqarsimasut iliuuseqarfinginis-saannut pilersaarummik pilersitsisoqassasoq.
14. Nuummi Pineqaatissinneqarsimasunut Inissiisarfimmi katsorsagassanut inissanik pilersitsisoqarnissaa.
15. Kalaallit Nunaanni Pinerluttunik Isumaginnittoqarfik Katsorsaanermut attaveqaqtigiiinnut ilanngunneqassasoq.
16. Pinerliisimasunut insertitsivimmeereernermi eqqartuunneqarsimanani-luunniit katsorsaavimmik sullissivimmik pilersitsineq.



# 3. Kalaallit Nunaanni meeqqat inuusuttullu atugarliortut atugaat





Meeqqap sumiginnarneqaratarsinnaaneranut atornerlunneqartarsinaaneranullu pis-sutsit ataasiinnaanatillu marluinnaanngillat. Ajornartorsiulli arlalinnik sammiveqarpoq unammilligassat kinguaariiinni kingornunneqartarlutik. Ineriartornerli ilorraap tungaanut ingerlavvoq.

Ukiuni kingullerni meeqqanut inuuusuttunullu atugarliortunut sammisunik periusissiat aammalu iliuuseqarnissamut pilersaarutit arlaqartut suliarineqartarsimapput, taak-kulu tunuliaqutaralugit suliniutit arlaqartut aallartinneqarsimallutik, *takuuk paasissutissat* 3.1.-müttut. Periusissiat iliuusissatullu pilersaarutit katikkaanni ajornartorsiutip annertussusaanik ilungersunarneranillu ersetitsipput, aaqqiissutissatullu siunnersuut suliniuteqarfigisassallu aqqutigalugit allannguinissamik naalakkersuinikkut angunia-gaqartoqarneranik takutitsillutik. Taakkua tamarmiullutik assigeequtigaat nukippas-suit atorlugit atulersitsinissamut angusaqarusussusilinnik annertuunillu imalinnik innersuussuteqarmata.

## BOKSI 3.1

### Periusissiat iliuusissatullu pilersaarutit toqqakkat:

- Killiliisa – Kinguaassiutitigut atornerluinermut Naalakkersuisut periusissiaat 2018-2022
- Angajoqqaat meeqlanik sumiginnaasarnerat akiorniarlugu nuna tamakkerlugu iliuusissanut pilersaarut (2020-2030)
- Inuuneritta III: Meeqlanut inuunerissunut atugassarititaq (2020-2030)
- Naalakkersuisut Ilaqutariinnermut politikkiat 2020-2030

### Naalakkersuisut ataanni iliuuserisassatut aallartinneqarsimasunut assersuutit

1. Annertuumik sumiginnaanermik suliani pisariusuni *Pinasuartumik ikiuitartqatigiit* kommunimut pilertortumik ikiuitartussat.
2. *Meeqlanut inersimasunullu katsorsajartorialutik angalasartoqatigiit* meeqlanut inersimasunullu kinguaassiutimik kutsatornerlunneqarsimasunut tikillugit katsorsaanissamik neqerooruteqartarpuit.
3. *Maligassiuvisartoqatigiit* kinguaassiutitigut atornerluinermut akiuinermik suliniutissanik ineriertortitsinermut atuutilersitsinermullu peqataatinneqarput.
4. *Atuagaq najoqqutassaq meeqlat kinguaassiutitigut atornerlunneqarsimasut pillugit sulianik ilisimasalinnoortoq.*
5. *Meeqlat 0-18.* Meeqlat tamarmik inuunerissaarlutik atugaqarluarnissaannik ineriertornissaannillu qulakkeerinnitoqarnissaa siunertalarlugu pilersaarut ineriertortinneqartoq.
6. *MANU arnanut naartusunut ilaqtariinnullu mikisunik meeraarartalinnut neqeroorutaavoq,* meeqlat ilaqtariillu atugarissaarlutik peqqissuunissaannik siuarsaanissamik siunertaqartoq.
7. *Tusaannga,* meeqlanut, inuusuttunut, inersimasunut kiisalu suliaqartartunut siunnersuinermetu oqarasuaataavoq.
8. Fair Start aqqutigalugu *Ilaqtariinnik paarsisartunik piginnaanngorsaaneq.* Ilaqtariit paarsisartut isumassuinermetik piginnaasaasa qaffassarnerisigut meeqlat angajoqqaarsiaqartut toqqissisimasumik perioriartortinneqarsinnaanissaannik, taamalu piginnaasat aaqqissuussamik pigineqalernissaat inissiinermilu ajalusoornerit ikilisinnissaat siunertarineqarpoq.
9. *Meeqterivinni killissamik qaangiisumik kinguaassiutitigut pissusilersorneq* pillugu misiliummsuliniut.
10. *Pisortat ataatsimoorussamik IT-qalernissaannik (ESDH-systemi)* atuutilersitsineq, pisortani allaffisornermetik pisariinnerusumik sunniuteqarluarnerusumillu ingerlatsinermik qulakkeerinnittussaq.

Meeqqat inuusuttullu atugarliortut unammilligassaannik takutitsisumik tulliuttumi saqqummiussissaagut tassanilu takuneqarsinnaassaaq isumaginnitqarfik qaangerujussuarlugu ajornartorsiuterpassuaqarnera.

Misissueqqissaarnerit paasissutissallu tunngaviusut pissarsiarineqarsinnaasut atorlugit sulinissaq suleqatigiüssitamut pingaaruteqarsimavoq, kisianni aamma suliassaqarfimmi takusat, misilittakkat ilisimasallu soqutigisaqartorpassuarnit oqartussanillu pingaarnertut Kalaallit Nunaanneersunik, kisiannili aamma Danmarkimiit peqataaffigineqartunik oqaloqatigiilluni ataatsimiinnerpassuarnit katarsorneqarsimasut. Soqutigisallit ataatsimoorlutik assigeequtigaat Kalaallit Nunaanni inuiaqatigiinni nalinginnaasumik atugassarititaasut pillugit ilisimasaqarlarmata pingaartumillu meeqqat inuusuttullu atugarliortut atugaat pillugit.

### Sumiginnaaneq

Meeqqat inuusuttullu amerlanersaat toqqisisimasumik atugassaqarlutik peroriartorput. Kisianni meeqqat inuusuttullu ikinnerussuteqartut suli amerlasoorujussuit sumiginnarneqarput. Meeraanermi sumiginnarneqarneq inuunermi kingusinnerusukkut ajoqutaasinnaavoq – eqqarsartaatsikkut timikkullu. Assersuutigalugu ilinniakkamik naammassinninniarneq ajornarnerulersinnaavoq. Ilutigitillugu inersimasunngorunik nammineq meerarisat pitsaasumik toqqisisimasumillu peroriartortitsinnissaannut tunngavilunnerussapput. Inuit meeraanermi sumiginnarneqarsimasut inersimasunngoraangamik pitsaasumik inuuneqarniarlutik assoroornerusariaqartarput. Inuit ilaannut iluatsittarpoq, allalli inooriaatsip nuanninngitsup kingornuttakkamik kipitisinnaasanngillat meeraagallaramik aqquaakkatik inersimasunngornerminni ingerlateqqittarlugit<sup>1</sup>. Tamanna sumiginnaanermut atatillugu atuuppoq, kinguaassiutitigulli atornerluinermut atatillugu immikkut atuunnerugunarlni.

#### BOKSI 3.2

##### Sumiginnaaneq

Inuup inunnik allanik pisariaqartitsilluinartup isumassorneqarnissamut ikiorneqarnissamullu pisariaqartitaminit tunineqanngikkaangat tamanna sumiginnaanertut taaneqartarpoq. Sumiginnaaneq timikkut isumassiuinermut tunngasinnavaavoq, soorlu naammattumik nerisaqannginneq, atisaqannginneq eqqiluisaannginnerlu, kiisalu tarnikkut sumiginnaaneq, soorlu misigissutsikkut amigaateqarnermut anersaakkullu ineriartortinnejannernermut tunngasinnaalluni. Sumiginnaaneq aamma immikkoortinnejarsinnaavoq ilatsiinnarnermik, soorlu tunngaviusumik pisariaqartitanik tunniussinnginnikkut, iliuuseqarnikkulluniit sumiginnaanermik, assersuutigalugu toqqaannartumik innarliinikkut” ([www.socialebegreber.dk](http://www.socialebegreber.dk), 2016).

<sup>1</sup> Ploug, N. (2017) *Social arv og social ulighed*. Hans Reitzels Forlag

Kalaallit meerartaat inuuusuttortaallu amerlaqisut angerlarsimaffimminni nakuusernermik atornerluinermillu misigisaqartarput. Ajornartorsiu tip tamanna immikkut ittumik annertussuseqarnera 2018-imi innuttaasunik misissuinermit uppernarsineqarpoq.

### BOKSI 3.3

#### Kalaallit Nunaanni innuttaasunik 2018-imi misissuineq

Innultaasunik misissuineq nuna tamakkerlugu inuuusuttut inersimasullu peqqis-susaannik misissuineruvoq 1993-imiilli ukiut sisamakkaarlugit ingerlanneqartartoq. Namminersorlutik Oqartussat sinnerlugit misissuineq Steno Diabetes Center Copenhagen suleqatigalugu Statens Institut for Folkesundhedimit (SDU) ingerlan-neqartarpoq.

2018-imi innultaasunik misissuineq inuit 2.539-it akissutaat, innultaasut 15-iniit 94-it tikillugit ukiullit 5,8 pct.-ii, aallaavigalugit ingerlanneqarpoq. Inuit misissu-nissamat peqataanissamat aggersarneqartut (taamungaannaq toqqartuineq) ilai Kalaallit Nunaanni innultaasunik misissuinerit siuliini peqataasimapput, aper-soqqitassanik taamungaannaq toqqakkatut aamma taaneqartartut, ilaalu inuup normuisa allattorsimaffiannit taamungaannaq toqqarneqarsimapput, inuuusuttut siusinnerusukkut peqataasinnaasimangitsut periarfissinniarlugit, kiisalu su-minngaanneernerisa agguataarsimanerat pitsaanerulersinniarlugu (ilassutitut taamungaannaq toqqartuineq). Misissuinermi peqataasut amerlanerpaanut sin-niisuunissaat pilersinniarlugu, nalunaarusiami amerlasuutigut innultaasut ukiui, suaassusaat aamma/imaluunniit najugaqarfiat pingaartinneqartarput. Nalunaar-sueraaseq paasissutissanullu tunngaviusut pillugit apeqqutissaqarnerugaanni innersuussutigineqarpoq Statens Institut for Folkesundhedip 2019-imi saqqum-mersitaa "Kalaallit Nunaanni inunnik misissuineq 2018 - Inuunermi atukkat, inuusaaseq peqqissuserlu".


2018-imi innultaasunik misissuinerup takutippaa inuuusuttut 1995-imi kingornaluun-iiit inuuusimasut 28 pct.-ii angerlarsimaffimminni nakuuserneq peroriartutigisima-gaat, takuuk ilusiliaq 3.1. Taakkuningga 37 pct.-it angerlarsimaffimminni imigassamik ajornartorsiorfiusumi peroriartorput, takuuk ilusiliaq 3.2.

Ilorraalli tungaanut ineriartortoqarpoq, 2018-imimi innultaasunik misissuinerup takutippaa inuuusuttut kinguaariit siuliinut sanilliullugit ikinnerusut angerlarsimaffimminni nakuusernermik imigassamillu ajornartorsiorfiusuni peroriartorsimasut. 1970-ip 1980-illu akornanni inunngorsimasut akornanni affai sinnerlugit angerlarsimaffimmi nakuusernermik imigassamillu ajornartorsiuteqarfiusuni peroriartorput, takuuk ilusi-liaq 3.1 ilusiliarlu 3.2.

Oqaatigineqassaarli 1995-imi kingornaluunniit inunngorsimasut akornanni peqataasut ukiukinnerpaat 15-inik ukioqarmata, taakkulu angerlarsimaffimminni kingusinnerusuk-  
kut nakuusernermik imigassamillu suli misigisaqartinneqarsinnaapput. Taamaammat amerlanerulersinnaapput.

### ILUSILIAQ 3.1

Kalaallit Nunaanni angerlarsimaffinni peroriartorfigisani nakuusernermik misigisaqarfiusimasut ukiut inunngorfiinut agguarlugit, 2018.




Nalunaarut: Ilusiliaq inuit 1.792-it akissutaat tunngavigalugit suliaavoq. Suminngaonneernermit assigiinngisutsit pingartinn qarsimapput. Kalaallit Nunaanni innuttaasunik misissuineq 2018 pillugu paasisaqarnerorusukkuit paassisutissat 3.2. takukkit.

Aallerfik: Kalaallit Nunaanni innuttaasunik misissuineq 2018.

### ILUSILIAQ 3.2

Kalaallit Nunaanni angerlarsimaffinni peroriartorfigisani imigassamik ajornartorsiornermik misigisaqarfiusimasut ukiut inunngorfiinut agguarlugit, 2018.



Nalunaarut: Ilusiliaq inuit 2.076-it akissutaat tunngavigalugit suliaavoq. Suminngaonneernermit assigiinngisutsit pingartinneqarsimapput. Kalaallit Nunaanni innuttaasunik misissuineq 2018 pillugu paasisaqarnerorusukkuit paassisutissat 3.2. takukkit.


Aallerfik: Kalaallit Nunaanni innuttaasunik misissuineq 2018.

Imigassamik atornerluineq ukiorpassuannngortuni ukkatarineqarluarsimavoq, aannga- jaarniutinik atornerluineq tamat oqallinneranni inissakinnerusimalluni. Isumaginn-

nermik peqqissutsimillu suliaqartut arlaqartut oqaatigaat inuuasuttut inersimasullu akornanni hashimik atornerluinerup annertusiartornera ernumanartorujussusoq. 2018-imi innuttaasunik misissuinermut peqataasuni ingammik angutit 15-init 59-it tikillugit ukiullit akulikitsumik hashimik atuisarput<sup>2</sup>. Angutit 17 pct.-it 18 pct.-illu akornanniuuttut ukiunut 15-24-nut, 25-34-inut aamma 35-59-inut agguarneqarsimasut 2018-imi qaammammut ataasiarlutik akulikinnerusumilluunniit hashimik millussisar-simapput, takuuk ilusiliaq 3.3. Suminngaanneernerli apeqquaalluni assigiinngissute-qartutut misigineqarpoq. Arlallit oqaluttuarput inuiaqatigiaqqani innuttaasut amer-lanerpaartaat ernumanartumik hashimik atuisuusut.

### ILUSILIAQ 3.3

**Kalaallit Nunaanni qaammammut ataasiarlutik akulikinnerusumilluunniit hashimik millussisartut amerlassusaat, ukiuinut suaassusaannullu agguarlugit, 2018.**



Nalunaarut: Ilusiliaq inuit 1.847-t akissutaat tunngavigalugit suliaavoq. Suminngaanneernermit assigiinngisutsit pingartinneqarsimapput. Kalaallit Nunaanni innuttaasunik misissuineq 2018 pillugu paasisaqarnerorosukkuit paassisutissat 3.2. takukkit.

Aallerfik: Kalaallit Nunaanni innuttaasunik misissuineq 2018.

Angerlarsimaffimmi nakuuserneq atornerluinerlu annikilligaangat meeqqat toqqissisi-masumik, asannittumik siumullu nalunanngereersumik peroriartornissamut atugaqar-nissaannut pitsanngoriaataasarpoq.

Takussutissaqportaaq inuusuttorpassuit kinguaassiutimikkut atornerlunneqarsimasut imigassamik atornerluinermut atassuserneqarsinnaasut. Kalaallit Nunaanni Politiit Tasiilami atukkanik qulaajaanerisa takutippaat pinngitsaaliiisoqarsimaneranik nalunaarutigineqartut ikinnerpaamik 44 pct.-ii 15-illu inorlugit ukiulimmik atoqateqarsimaner-mik nalunaarutigineqartut ikinnerpaamik 19 pct.-ii toqqaannartumik imigassartorfiu-suneersut<sup>3</sup>.

<sup>2</sup> V. L. L., Christina et al. (2019) *Kalaallit Nunaanni inunnik misissuineq 2018 - Inuunermi atukkat, inuusaaseq peqqissuserlu*. Statens Institut for Folkesundhedimit.

<sup>3</sup> Kalaallit Nunaanni Politiit (2018) *Tasiilaq. Tasiilami meeqqat inuusuttut 2014-2018-ip akornanni kinguaassiutitigut atornerlunneqarsimasut pinaveersaartsinissamullu sulinutissatut innersuussutit*




## Kinguaassiutitigut atornerluinerit

Meeqqat inuusuttullu siusinnerusumut sanilliukkaanni ikinnerusut kinguaassiutimikkut atornerlunneqarsimasut takussutisaqarpoq. Innuttaasunilli 2018-imi misissuinermit inuit 1995-imi kingornaluunniit inunngorsimasut suli 20 pct-ingajai meeraanerminni kinguaassiutimikkut atornerlunneqarsimapput *takuuk ilusiliaq* 3.4. 20 pct.-illi taakku nangaasumik isiginiarneqartariaqarput eqimattanimi 1995-imi kingornaluunniit inunngorsimasut akornanni nalunaarsuinerup nalaani 18-it inorlugit ukioqartoqarmat.

### ILUSILIAQ 3.4

Kalaallit Nunaanni 18-ilinnginnerminni kinguaassiutimikkut atornerlunneqarsimasut, ukioqatigiaanut agguarlugit, 2018.



Nalunaarut: Ilusiliaq inuit 1.686-t akissutaat tunngavigalugit suliaavoq. Suminngaanneernermiit assigiinngisutsit pingartinneqarsimapput. Kalaallit Nunaanni innuttaasunik misissuineq 2018 pillugu paasisaqarnerorusukkuit paassisutissat 3.2. takukkit.

Aallerfik: Kalaallit Nunaanni innuttaasunik misissuineq 2018.

Ilutigitillugu kinguaariinni angajoqqaat aanaakkullu amerlanerusut meeraanerminni kinguaassiutimikkut kannuttaatsuliorfigitissimapput kingunerlutsitsinermik misigisaqaratarsinnaaffimminnik. Kinguaariinni arlaqartuni kinguaassiutitigut atornerluisnerit amerlanerujussuisa angajoqqaat meeqqaminnik pitsaasumik peroriartortinnissaannut tunngavissaqarnerannut sunniuteqarsinnaavoq. Kingunerluutinik katsorsarneqarnissap killeqarnera, inoqatinin avinngarusemaneq angajoqqaallu inoqatinin attavigisanit ikorfartorneqannginnerisa sumiginnaasoqaratarsinnaaneranut sakkortusaataasarput.

## Aningasaatikilliorneq ineqarnermilu pissutsit

Naatsorsueqqissaartarfimmit kisitsisit naapertorlugit 2018-imi inuit 1.935-it, innuttaasut 4 pct.-iisa missaat, aningasaatikilliortutut taaneqarsinnaapput.

## BOKSI 3.4

### Aningaasaatikilliorneq


Naatsorsueqqissaartarfimmit aningaasaatikilliorneq nassuiarneqarpoq 1) ukiut pingasut ingerlanerini isertitat killissarititamit appasinnerusumik inissisimappata isertitat agguaqatigiissinnerini 50 pct.-it ataallugit, 2) nammineq ilinniartuunngippat ilaquaqaqluniluunniit meeqqat atuarfiannit qaffasinnerusumik pigin-naalersitsisumik ilinniagaqartuunngitsumik kiisalu 3) utoqqaat illuanni, paaq-qutarisariaqartut angerlarsimaffianni, innarluutilinnulluunniit angerlarsimaf-fimmi najugaqanngitsoq.

Aallerfik: Naatsorsueqqissaartarfik, 2019

Nunami suminngaanneerneq attaveqaqatigiinnerlu illoqarfinni nunaqarfinnilu aningaa-saqarnikkut atugarissaarnikkullu assigiinngissuteqarnerujartornermut aalajangiisoo-qataapput<sup>4</sup>. Inuit aningaasaatikilliortutut taaneqartut nunaqarfinni amerlanerujus-suupput. Innuttaasut nunaqarfinni najugaqartut 9 pct.-ii aningaasaatikilliortput illoqarfinni innuttaasut 4 pct.-ii aningaasaatikilliortut, *takuuk ilusiliaq 3.5*.

## ILUSILIAQ 3.5

### Kalaallit Nunaanni innuttaasut aningaasaatikilliortut, sumi najugaqarnerannut aggurlugit, 2018.



Nalunaarut: Aningaasaatikilliortut qanoq amerlatiginerat naatsorsorneqartarpooq siuliani piumasagaatit taaneqartut tunngavigalugit innuttaasut akornanni naammassinnissinnaasut kisinnerisigut, Kalaallit Nunaannilu aalajangersimasumik najugaqarsimasutut (meeraanermi) piumasagaammik naammassinnissinnaasut, il.il. Nalunaarsueriaaseq pillugu paasisaqarnerorusukkuit takuuk Naatsorsueqqissaartarfimmeersoq "Aningaasaatikilliortut Piffissami 2014-imiit 2018-mut (Kisitsisaataagallartut)".

Aallerfik: Naatsorsueqqissaartarfik namminerlu naatsorsuinerit.

<sup>4</sup> Isumaginninnermut Inatsisinillu Atuutsinsinerut Naalakkersuisoqarfik (2020). *Angajoqqaat meeqqanik sumiginnasarnerat akiorniarlugu nuna tamakkerlugu iliuusissanut pilersaarut 2020-2030*

Meeqqat inuusuttullu atugarliortorpassuit ineqarnikkut inissakilliorlutik peroriartorput, inissakitsunnguami ilaqtariit amerlasuut ineqatigiillutik. Nunaqarfinni pingaartumik angerlarsimaffiit innuttuut ajornartorsiutaapput. Nunaqarfinni inuit sisamararte-rutaat inimi ataatsimi marlukkaarpot amerlanerullutilluunniit, igaffik, uffarfik, isaa-riaq assigisaallu naatsorsuinermi ilanngunnagit<sup>5</sup>. Nuulli avataani angerlarsimaffinni inuttuallaartoqarnera Kalaallit Nunaat tamakkerlugu ajornartorsiutaavoq.

Tassunga atatillugu qaqinnejnarneranut pissutaavoq akuttunngitsumik oqaluttuarine-qartarmat meeqqat aalajangersimasumik siniffeqanngitsut, taamalu atornerlunneqa-ratarsinnaanerup annertusineranik kinguneqarluni. Unnukkut unnuakkullu nakkutigine-qaratik angalaaginnartarmata, imaluunniit sinikkaangamik inersimasunik assigiinngit-sunuk siniffimmi tutitaqartariaqartarmata.

Kommuninit arlalinnit aamma oqariartutigineqarpoq, inissakitsunnguami najugaqati-giinnertik pissutigalugu angerlarsimaffimmi ilaqtariinnut sammisumik pinaveersaar-titsinermik iliuuseqarniarnermut ajornartorsiutaasoq.

### **Meeqqat inuusuttullu angerlarsimaffiup avataanut inissinneqarsimasut**

Meeqqat inuusuttullu akornanni atugarliorneq ilaatigut takussutissinneqarpoq anger-larsimaffiup avataanut ulloq unnuarlu paaqqinniffinnut inissinneqartartut amerlaneru-jussuannik. Meeqqat inuusuttullu ukioqanngitsunit 23-t tikillugit ukiullit 325-t missa-anniittut – taakkunannga ukioqanngitsunit 17-it tikillugit ukiullit 296-it – ulloq unnuarlu angerlarsimaffinni najugaqarput. Kalaallit meerartaasa 2,1 pct.-ii ulloq unnuarlu paaqqinniffimmipput. Assersutissagaanni Danmarkimi 0,3 pct.-iupput. Agguaqati-giissillugu meeqqat ulloq unnuarlu paaqqinniffimmut inissinneqaraangata ukiukinneru-sarput, sivisunerusumillu ulloq unnuarlu paaqqinniffimmu najugaqartarlutik<sup>6</sup>. Tamanna kommunini sulisunit tunngavilersoneqarpoq, oqaatigineqarluni meeraq inissinneqar-simagaangat 18-inik ukioqalernissaata tungaanut inissinneqarsimasartoq. Angerlarsimaffimmi atugarliornermut tunngaviusut aaqqiiviginissaanut angajoqqaanut suliniut-tissaqannginneranik isumalluutissaqartoqannginneranilluunniit ilaatigut tunngaviler-sorneqarpoq. Meeqqap inissinneqarsimanerani angajoqqaaminut attaveqarnerata attannissaa aamma ajornakusoortarpoq najugarisamiit ungasippallaarneq angalaner-milu aningaasartuutit annertuallaarnerat pissutigalugit.

Inissiinermut naatsorsuutinik massakkut pigisaqartoqanngilaq, kisianni arlalinnit oqaatigineqarpoq inissiinermik unitsitseqattaartarneq ilaqtariinnut paarsisartunut suliassaqarfimmut kiisalu ulloq unnuarlu paaqqinniffeqarfimmut malunnaatilimmik ajornartorsiutaasut.

<sup>5</sup> V. L. L., Christina et al. (2019) *Kalaallit Nunaanni inunniq misissuineq 2018 - Inuunermi atukkat, inuusaaseq peqqissuserlu Statens Institut for Folkesundhed*

<sup>6</sup> Dahl, K. M., Kloppenborg, H. S. & Pedersen, N. J. M. (2020). *Kalaallit Nunaanni ulloq unnuarlu paaqqinnittarfiiq pillugit qulaajaaneq*. VIVE


## Imminut toqunneq

Aammattaaq imminut toqunnerit, imminut toqunnissamik eqqarsaateqarnerit imminullu toqoriaraluarnerit amerlanerisa atugarliortoqarneranik takussutissiuupput.

Ilusiliat 3.7-ip 3.8-lu takutippaat Innuttaasunik 2018-imi misissuinermi akissuteqartut qanoq amerlatigisut ukiuni kingullerni imminut toqunnissamik eqqarsaateqarsimasersut imminulluunniit toqoriarsimanersut, suaassusaannut ukiuinullu agguarlugit.


### ILUSILIAQ 3.6

Kalaallit Nunaanni ukiuni kingullerni imminut toqunnissamik eqqarsaateqarsimasut ukiuinut suaassusaanullu agguarlugit, 2018.



### ILUSILIAQ 3.7

Kalaallit Nunaanni ukiuni kingullerni imminut toqoriarsimasut ukiuinut suaassusaanullu agguarlugit, 2018.



Nalunaarut: Ilusiliq inuit 2.066-t akissutaat tunngavigalugit suliaavoq. Suminngaanneernermit assigiinngisutsits pingaaqtinneqarsimapput. Kalaallit Nunaanni innuttaasunik misissuineq 2018 pillugu paasisaqarnerorusukkut paasissutissat 3.2. takukkit.

Aallerfik: Kalaallit Nunaanni innuttaasunik misissuineq 2018.

Ilusiliat takutippaat inuusuttut imminut toqoriarsimasut amerlaqisut, taakkunangalu niviarsiaqqat nukappiaqqanit amerlanerujussuusut. Niviarsiaqqani 15-init 24-t tikillugit ukiullit 13 pct.-ii akissuteqarput, ukiuni kingullerni imminut toqoriarsimalutik, 22 pct.-ii imminut toqunnissamik eqqarsaateqarsimallutik. Angutit 15-init 24-t tikillugit ukiullit 5,3 pct.-ingajaqqinnaat akissuteqarput ukiuni kingullerni imminut toqoriarsimallutik.


2011-mi misissuinerup takutippaa imminut toqoriarnerit amerlassusaat suminngaaneerneq apeqqutaalluni assigiinngitsorujussuusut. Tunumi inuusuttut affai sinnerlugit imminut toqoriarsimapput, Kalaallit Nunaata kitaata avannaani inuusuttut pingajorar-terutaat imminut toqoriarsimallutik Nuummili ikinnerpaajullutik<sup>7</sup>.

Innuttaasunik 2018-imi misissuinerup aamma takutippaa inuit perioritarnerminni imigassamik, nakuusernermik kinguaassiutitigullu atornerlunneqarsimanermik nalaataqarsimasut akornanni imminut toqunnissamik eqqarsaateqartut amerlane-rusut, takuuk ilusiliaq 3.9.

<sup>7</sup> Akileraartarnermut Atugarissaarnermullu Isumalioqatigiissitaq (2011)  
Meeqqat inuusuttullu. Tunuliaqutatut nalunaarusiaq

## ILUSILIAQ 3.8

Inuit imminut toqunnissamik eqqarsaateqarsimasut, peroriartorsimasullu imigassamik ajornartorsiuteqarfiusumi, nakuuserfiusumi, kinguaassiutitigullu atornerlunneqarsimasut, 2018.



Nalunaarut: Ilusiliaq inuit 1.646-it 1.985-inut amerlatigisut akissutaat tunngavigalugit suliaavoq. Suminngaanneernermit ossigiinngisutsit pingartinneqarsimapput. Kalaallit Nunaanni innuttaasunik misissuineq 2018 pillugu paasiaqarnerorusukkuit paassisutissat 3.2. takukkit.

Aallerfik: Kalaallit Nunaanni innuttaasunik misissuineq 2018.

Kalaallit Nunaanni Politiit ukiumoortumik natsorsuutaat naapertorlugu 2018-imi imminut toqussimasutut nalunaarutigineqarsimasut 43-pput, assersunneqarsinnaalluni innuttaasut 10.000-iugaangata imminut toquttut arfineq pingasuusartut. Imminut toquttut amerlanerujussuunerat pissutigalugu inuuusutorpassuit qanigisamik ikinngutimik imminut toqussimasumik annaasaqarsimapput ilaqtariinnilu imminut toqussimasumik ilisimasaqarlutik. Imminut toqunnermit annaasaqarneq ima atugaatigilersimavoq, Kalaallit Nunaanni aliasunneq pillugu Det Nationale Sorgcenterip misissuinerani apersorneqartut arlaqartut oqaatigalugu inuunermi tunngaviusumik atugassarittasut ilagigaat. Ajornartorsiutip qanoq ittuuneranik takussutissiinermi tamassuma ilanngunneqarnissaa pingaruteqarpoq, imminummi toqunnikkut annaasaqarnermi qimataasut aliasunnerminnik qisuarialataat pisarioratarsinnaanera annertusisinnamat. Aliasunnerlu pisariugaangat qimataasut imminut toqunnissamik navianartorsiorerat ilutigitillugu annertusisinnaavoq<sup>8</sup>.

### Kikkut kannguttaatsuliortarpat?


Inuuusuttut atugarliornerannut kikkut kinguaassiutitigut pinerliisimanerannik nalunaarsukkani takussutissat pingajoraat. 2018-imi ilaatigut inunnit kinguaassiutitigut pinerluuteqarsimasunit inuuusuttut amerlanerulluinnarput. 2018-imi kinguaassiutitigut pinerluuteqartut 70 pct.-iisa missaat inunnit 45-t ataallugit ukiulinnit pinerluutigineqarsimapput, sisamararterutaasa missaat 15-init 24-t tikillugit ukiulinnit pinerluutigineqarsimallutik.

<sup>8</sup> Østergaard, G. Tina et al. (2019) Kalaallit Nunaanni aliasunneq. Aliasunneq pillugu misissuineq aliasunnermillu nalaataqartut neqeroorutillu pillugit qulaajaaneq. Det Nationale Sorgcenter.

Meeqqanut kinguaassiutitigut pinerluuteqarnernut tunngatillugu inuuusuttunut immik-kut ittumik amerlalluinnartunut aalajangiisoqartarsimavoq. Meeqqanut kinguaassiutitigut pinerluuteqarnerit 80 pct.-iisa missaat inunnit 35-it ataallugit ukiulinnit pinerluutigineqarsimapput, 40 pct.-illu missaat 15-init 24-t tikillugit ukiulinnit pinerluutigineqarsimallutik. Assersuitigissagaanni innuttaasut 40 pct.-iinit ikinnerusut 35-it ataallugit ukioqarput, innuttaasullu 18 pct.-iisa missaat 15-init 24-t tikillugit ukioqarlutik.

### ILUSILIAQ 3.9

**Kalaallit Nunaanni kinguaassiutitigut pinerluuteqarnernut pineqaatissiinermik aalajangiiffigineqartut, pinerluutinut unnerluutigineqartullu ukiuinut agguarlugit, 2018.**



Nalunaarut: Ukiut ulloq 1. januari 2018 nalunaarsorneqarnerat.

Aallerfik: Naatsorsueqqissaartarfik namminerlu naatsorsuinerit.

Inuuusuttut kannguttaatsuliortarnerannut pissutaasut arlaliusinnaapput, Kalaallit Nunaannilu kinguaassiutitigut pinerluutit pillugit nalinginnaasumik ilisimasat amigarput. Kalaallit Nunaanni Politiit Tasiilamut nalunaarutaat naapertorlugu, pinerluuteqarsimasut 6 pct.-ii siusinnerusukkut kinguaassiutitigut pinerluutinut nalunaarutigineqartuni pinerlineqarsimasuusarput. Saniatigut aamma 22 pct.-ii inummut navianaatilmik pinerluuteqarnernut, soorlu nakuusernernut<sup>9</sup>, nalunaarutigineqartuni pinerlineqarsimasuusimallutik.

### Sulisussarsiorneq attassinerlu

Suleqatigiissitaq sulinermini sulisunik sulisussarsiornermik attassinermillu nalingin-naasumik ajornartorsiuteqarnermik naammattuugaqarpoq. Meeqqanut inuuusuttunullu tunngasuni suliassaqafrifti assigiiungitsut suleqatigiinnik ilinniagalinnik amigaateqarnerujussuaq oqaluttuarineqarpoq. Sulisussaaleqineq komunit allaffeqarfiini, meequerivinni, atuarfinni, ilaqtariinnut sullissivinni kiisalu ulloq unnuarlu paaqqinniffinni atuuppoq. Isumaginninnermut tunngasumik ilinniagaqartut immikkut ittumik amigaati-

<sup>9</sup> Kalaallit Nunaanni Politiit (2018) *Tasiilaq. Tasiilami meeqqat inuuusuttut 2014-2018-ip akornanni kinguaassiutitigut atornerlunneqarsimasut pinaveersaartitsinissamullu sulinutissatut innersuussutit.*



gineqarput, taakkuppullu meeqqat inuusuttullu sumiginnarneqarnerannik pinaveer-saartitsinermik, nassaarnernik passussinernillu suliaqaqataasussat kiisalu siusissukut suliniuteqarnernik ikorfartuillutillu isumaginninnikkut suliassani oqimaatsuni isumaginnittussat.

Sulisunik ilinniarsimasunik amigaateqarnermut takussutissat ilagaat atorfiiit inutta-qanngitsut, sulisut taarseraannerujussuat isumaginnittoqarfinnilu sullisisut sulias-saat amerlavallaaruujussuartut. Taamaattoqarneratigut meeqqat inuusuttullu pillugit nalunaaruteqartarnerit amerlanerisa nalunaarutillu nukingiutiginagit iliuuseqarfingine-qartarnerisa akuttunerat suliamik ilisimasallit arlaqartut oqaatigaat.

Nalunaarutini arlaqartuni<sup>10</sup> uppernarsineqarpoq meeqqat inuusuttullu atugarliortut ikorfartornissaannut isumaginnittoqarfinni sullisisut pingaarutilimmik ajornartorsiu-taasut nalunaarutillu takutippaat meerarpassuit inuusuttorpassuillu sumiginnarneqa-raangata oqartussaasunit ikiorneqarneq ajortut.

Ajornartorsiummulli atatillugu ersarilluinnarpoq aaqqissuuussaanikkut apeqqutit, soor-lu atorfefarnermi atugassarititat, aningaasarsiat annertussusaat, oqaatsitigut apor-fiiit il.il. sulinermut tassunga atugassaritaasunut sammitinneqarsinnaanngitsut. Pe-qataasulli ilanngunneqartut arlaqartut tamarmiullutik aaqqissuuussaanikkut apeqqutit

<sup>10</sup> Isumaginninnermut Inatsisinillu Atuutsinsinerut Naalakkersuisoqarfimmi Nakkutilliinermik Ingerlatsiviup Nakkutilliinermiit nalunaarusiaa (2017) *Kalaallit Nunaanni meeqqanik inuusuttunillu isumaginninnikkut aarle-rinartorsiortunik sullissinermi Kalaallit Nunaanni Namminersorlutik Oqartussanik tapersersuinermik suliniarneq, Misissueqqissaarinermiit nalunaarusiaq.*

pillugit ajornartorsiutit, siunissamilu attanneqarsinnaasunik meeqqanut inuuusuttunullu atugarliortunut aaqqiissuteqarnissamik qulakkeerinninniarnermut sunniuteqarsinnaanerat, erseqqissarpaat. Taamaammat nalilerneqarpoq aporfiiit siunissami isumagi-neqartariaqartut sulisut amerlanerulersinneqarsinnaanngorlugit piginnaasallu eqqortut kajumitsilerlugit, taamalu meeqqanut inuuusuttunullu atugarliortunut piujuannartitsisumik siunissamilu attanneqarsinnaasumik suliniuteqarfingeqarnissaat qulakkeerneqarsinnaalissalluni.

### Ilinniartitaaneq siunissarlu


Innuttaasut ilinniagaqarnikkut inissisimanerat sulisussarsiornermi ajornartorsiutinut nalinginnaasumik nassuaataasut ilagaat. 2018-imi 25-nit 64-it tikillugit ukiullit affaat sinnerlugit tunngaviusumik atuarfik ilinniagaasa qaffasinersaraat. Nunani Avannarlerni nunat sinnerinut sanilliukkaanni tamanna qaffasinnerujussuovoq, taakkunani pct.-it qulit 20-llu akornanni tunngaviusumik atuarfik qaffasinnerpaamik ilinniagarismallugu<sup>11</sup>.

Inuuusuttorpassuilli angajoqqaaminnit allaanerusumik siunissaqarusullutik oqarput. Tamanna assersuutigalugu piviusulersaarummi nangeqattaartumi "De unge grønlændere: Fremtidsdrømme"-mi takuneqarsinnaavoq. Inuiaqatigiit ilinniagaqarnissamik suliffeqarnissamillu periarfissaqarnissartik kissaatigaat.

Ilinniagaqassutsip qaffakkiartornera ersarissumik aamma takuneqarsinnaavoq. Ilinniarnertuunngorniarfimmi, inuussutissarsiutinut ilinniarfinni ingerlaqqittumillu ilinniarfinni ilinniagaqarsimasut 2002-mit 2018-imut amerliartorsimapput takuuk *ilusiliaq 3.11*. Piffissami tassani innuttaasut piginnaasaqalersitsisumik ilinniagaqartut (inuuusutissarsiutinut ilinniarneq ingerlaqqittumillu ilinniarneq) pingajorarterutingajaanik amerlisimapput, piffissami tassani ilinniarnertuungortut marloriaatinngorsimallutik. Ineriartornermulli isiginiarneqassaaq 2002-mi inissisimaffiup appasinnerujussuusimana.

### ILUSILIAQ 3.10

**Kalaallit Nunaanni 25-nit 64-it tikillugit ukiullit akornanni ilinniakkap qaffasinnerpaaffia, 2002 aamma 2018.**



Nalunaarut: Ilinniakkap inissisimaffia ukiullu ukiup naanerani naatsorsorneqarsimapput. Illassutaasumik ilinniartitsinerit Inuussutissarsiutinut Ilinniartitaanernut ilaatinneqarput

Aallerfik: Naatsorsueqqissaartarfik namminerlu naatsorsuinerit.

<sup>11</sup> OECD'ip nalunaarsuinera naapertorlugu innuttaasut 25-init 64-it tikillugit ukiullit 2018-imi qaffasinnerpaamik tunngaviusumik atuarfimmik naammassinnissamasut amerlassusaat.



## Eqikkaaneq

Ajornartorsiutit ersarissumik takutippaat, Kalaallit Nunaanni meeqqanut inuuusuttunnullu atugarliortunut suliniuteqarnerup pitsangorsarneqarnissaa pisariaqartoq.

Nalunaarummi matumani aaqqiissutissatut innersuussutit saqqummiunneqartut iliuusissatut pilersaarutit periusissiallu pioreersut ikorfartorpaat, erseqqissarpaat ilassuteqarfugalugillu, *takuuk boksi 3.1*. Ilutigitillugu iliuuserineqartut iluaqtaalereersut annerutarlugillu inerisarnissaat aallaavagineqarpoq. Matumani naatsorsuutigineqarpoq suliniutaasut piujuannarnerulissasut suleqatigiinnerullu qaangiutereernerani ingerlateqqinnejarsinnaassasut.


Ajornartorsiutit aalajangiisussamit ataasiinnarmit aaqqiissutissarsineqarsinnaanngilat. Akisussaaffimmik suliniutinillu ataatsimoorluni suliniuteqartoqartariaqarpoq, suleqatigiuttoqartariaqarluni agguasoqartariaqarlunilu. Taamaammat suliniutissat ilaasa Namminersorlutik Oqartussanit allallu kommuninit kivinneqarnissaat pingartinneqarpoq. Inuaqatigiinnilu inuit peqataanissamut periarfissaqartillugit. Suliniutissat piviusunngortinniarlugit sulinermi kommunit, Namminersorlutik Oqartussat, inuaqatigiinni inuit Danmarkimilu oqartussat naleqquttut akornanni qanittumik suleqatigiinnermik pilersitsisoqarnissaa pingaaruteqarpoq.




Aningaasaqarnikkut, allaffissornikkut piginnaasatigullu pissarsiarineqarsinnaasut pissutigalugit iliuuserineqartunik tulleriaalaraluni pingaarnersiilluartoqartariaqarpoq. Pingaarnersiunermi inissiisarnermut tunngasut itinerusumik sammineqannginnissaa suleqatigiissitamit aalajangerneqarpoq. Ilaqtariinnik paarsisartunik ingerlaavartumik piginnaanngorsaanermik iliuuseqartoqareernera ilaatigut pissutigalugu taamannak killiliisoqarpoq *takuuk boksi 3.1*. Suliniut taanna 2019-imi pilertortumik suliniuteqarnermut atatillugu ilaqtariinnut paarsisartunut tunngatillugu misissueqqissaarnermik malitseqartitsinermik ilaneqarpoq.

Ilutigitillugu nuna tamakkerlugu ulloq unnuarlut paaqqinniffinnik annertusaanermik pitsaassusaanillu qaffassaanermik Naalakkersuisut suliaqarput. Ulloq unnuarlut paaqqin-niffinnut tunngatillugu misissueqqissaarnernik arlalinnik aamma aallartitsisoqarsimavoq. Inaarutaasumik inernerit 2020-p qiteqqunnerani/naanerani piareersimanissaat naatsorsuutigineqarpoq. Maliitseqartitsinissamut naalakkersuinikkut allaffissornikkull kingorna aalajangiisoqassaaq.

Suleqatigiissitaq ineqarnermut tunngasunik itinerusumik misissueqqissaartoqarnissaanik aamma killiliisimavoq. Inissiat amerlavallaanik ineqarfingineqartut inissaaleqinerlu pillugit ajornartorsiutit, atorfimmut atatillugu inissianik amigaateqarneq ilangullugu, annertuumik ajornartorsiutaanerat akulikitsumik oqaatigineqartarsimavoq. Ajornartorsiutip tamassuma aaqqiissutissarsinissaa akisussaaffeqarfik alla aqqutigalugu Naalakkersuisunit sulissutigineqarpoq.



4. Meeqqanut  
inuusuttunullu  
atugarliortunut  
pitsaanerusumik  
suliniateqar-  
nissamut  
innersuussutit



Kapitalimi matumani suleqatigiissitap innersuussutai sammisassat suliniutigineqartussallu aalajangersimasut 2020-2023-mi atuutilersinnejarsinnaasut tulleriaarlugit saqqummiunneqarput.

### **Siusissukkut suliniuteqartarneq pinaveersaartitsisarnerlu**

Meeqqanut inuusuttunullu atugarliortunut siusissukkut suliniuteqarnikkut ajornatarsiutit annertusinissaasa pinaveersimatinnissaannut ilapittutaasarpoq, kiisalu meeqqat inuusuttullu siunissaasa pitsaanerulernissaannik qulakkeerinnilluni. Kom munini pinaveersaartitsinermik suliaqartarneq siusissukkullu suliniuteqartarneq pitsangorsarneqarluarsinnaapput.

***Angajoqqaat piginnaasaannik ukkataqarneruneq:*** Meeqqap ineriartornera ikorfartoriarlugu angajoqqaat eqqortunik piginnaasaqarnissaat meeqqamut pingaarutilerujus suuvoq. MANU angajoqqaat piginnaasaannik ukkataqarluni suliniuteqarnermut assersuutaavoq, angajoqqaangoqqaalersunut angajoqqaangoqqilfersunullu kiisalu meeqqanut sisamat tikillugit ukiulinntu angajoqqaanut, meeravissiaqartunut angajoqqaarsianullu nuna tamakkerlugu angajoqqaanik piareersaatitut pikkorissaatitsinerulluni. Nammineq piumassutsimik nalunaartoqartarpoq maannamullu ilaqtariinnut ingerlalarnerusunut iluaqutaaneranik takussutissaqarluni. Ilaqtariinnilli atugarliortunik suliaqarnermit misilitakkat takutippaat taakkununnga pikkorissaanerit nalequssar nerusariaqartut malunniutilimmillu ikorfartuinissaq pisariaqartinnejartoq.

**Suliassaqarfiit assigiinngitsut suleqatigiinnerat:** Siusissukkut suliniuteqarneq iluatsissappat suliassaqarfiit assigiinngitsut suleqatigiinnerat qanittumik suleqatigiinnis-sutaasariaqarpoq, soorlu peqqinnissaqarfiup (ernisussiortut, peqqissaasut) kommunemilu inunniq isumaginnitoqarfinni sulisut akornanni. Nalinginnaasumik inunniq isumaginnitoqarfik meeqqap ilaquaasullu ajornartorsiornerannik suliaqartut nalunaaruteqarnerisigut ilisimatinneqareersimasarpoq. Kommuninili inunniq isumaginnitoqarfinit malitseqartitsineq nalinginnaasumik amigarpallaanngikkuni kingusinaarpallaartumik aallartinneqartarpoq. Kommunini arlalinni suliaqartut immikkoortortallu akisussaaffiisa suliassaasalu agguernerat aamma ersarluppoq, taamalu meeqqat pillugit suliassat tiguneqanngitsoorsinnaasarlutik. Taamaammat siusinaartumik suliniuteqarnerup suliassaqarfiit assigiinngitsut suleqatigiinnerisa pitsangorsarneqarnissaa pisariaqarpoq.

**Ulluunerani neqeroorutini sulisut piginnaanngorsarneqarnerat:** Ilisimatusarnerit takutippaat meeqqat ineriantornerannut atugarissaarneranullu, ingammik meeqqat atugarliortut eqqarsaatigalugit, ulluunerani neqeroorutini sulisut piginnaasaat pitsaasumik iluaquaasumik aalajangiisuunerpaajusut<sup>12</sup>. Taamaammat suliaqartut meeqqami inuuusuttumiluunniit atugarliornermut ertsiutnik takunnissinnaatinniarlugit sakkulersorneqarnissaat aalajangiisuulluinnarpoq, soorlu aamma pisuni taamaattuni qanoq passussinissamik ilisimanninnissaat aalajangiisuusoq – meeqqap inuuusuttulluunniit ulluinnarni ikorfartornissaa eqqarsaatigalugu kiisalu kommunemut angajoqqaanullu attaveqarneq suleqateqarnerlu eqqarsaatigalugu, qulaani taaneqartut naapertorlugit.

Kisianni ulloq unnuarlu paaqqinniffinni perorsaasutut ikortitut ilinniarsimanngitsutut sulisut amerlasoorujussupput. Sulisut affaasa missaat (47 pct.) perorsaasutut ikortaapput. Perorsaasut ikinnerungaatsiarput sulisut tallimartarerutaasa missaannillutik (22 pct.), sulisunilu perorsaanermut attuumassuteqartumik ilinniagaqarsimasut pingajorarterutaasa missaanniillutik (31 pct.). Ullup affaanik ullanrlu naallugu sulisut agguernerannut tamarmik katikkaanni, ulluunerani paaqqinnittarfinni akunnerit katillugitarneqartut affai sinnerlugit perorsaasutut ikortinit ilinniarsimanngitsunit isumagineqarput<sup>13</sup>.

Uluunerani paaqqinnittarfinni najukkani ataasiakkaani sulisoqarnikkut aalajaallisaos-qarnissaanik, kiisalu aqutsisunik sulisunillu siunnersuinikkut meeqqanut aarlerinartorsiortunut meeqqanullu sumiginnarneqartunut nassaarnissamut, pinaveersaartitsinisamut passussinissamullu assigiissakkamik ataatsimut periuseqarnissamik qulakkeerinninnissamut immikkut pisariaqartitsisoqarpoq.

Ajornartorsiutit piffissaagallartillugu isumaginissaannut pinaveersaartitsineq siusisumillu nassaarneq pingaaruteqarput. Taamaammat suliniuteqartarneq siammasissumik pitsangorsarneqassaaq, taamaaliornikkut Kalaallit Nunaat tamakkerlugu meeqqanut inuuusuttunullu tamanut iluaquaasumik angajoqqaat, ulluunerani paaqqinnittarfinni sulisut, namminneq piumassutsiminnik sulisut suliassaqarfiillu assigiinngitsut suleqatigiinnerat patajaannereroqqullugu.

<sup>12</sup> Christoffersen, M.N. et al. (2014). *Daginstitutioners betydning for børns udvikling. En forskningsoversigt.* SFI – Det Nationale Forskningscenter for Velfærd

<sup>13</sup> Opinion Ilanniartitaanermut Aqutsisoqarfimmot (2017). Ulluunerani paaqqinnittarfinnik erseqqissaaneq




**Namminneq piumassutsiminnik meeqqanut tunngatillugu isumaginninnikkut suliniuteqartarnermut ukkataqarnerulerneq:** Namminneq piumassutsiminnik suliaqartut nukittoqutigaat oqartussaasut iliuusaannit allaanerusunik iliuuseqarnissamut neqeroorsinnaammata. Ilaatigut ikiuinissamik, siunnersuinissamik peqqissaanissamillu neqeroorsinnaapput taamaaliornikkullu saaffinnut amerlanerusunut allatut anngussinaallutik. Najukkami inuiaqatigiinni isumaginninnikkut ataqtigiiissitsinermik pilersit-seqataapputtaaq, innuttaasut akornanni tatiginninneq ammanerlu pitsanngorsarneqarluni, taamalu sumiginnaanermik allatulluunniit atugarliornermik takussutissanik siusissukkut takunnissinnaallutik. Ilutigitillugu namminneq piumassutsiminnik suliaqartut (kattuffiit) najukkami atukanut naleqqussartarpot taamaalillutillu nunaqarfimmi illoqarfimmilu piusinnaallutik.

Nammineq piumassutsimik sulinerup patajaallisarnissaa suliassaqarfiiit soqutigisaqa-qatigiiffiillu assigiiingtsut suleqatigiinnissaat ujartorneqarpoq, siammasissumillu isumaqatigiissutigineqarluni meeqqanut tunngatillugu inuiaqatigiinut akisussaaffimik kivitsinissamut nammineq piumassutsimik suliaqartut kattuffiit kivitseeqataasasut.

Tamanna piviusunngortinneqarsinaaniassammat Namminersorlutik Oqartussat, kommunit kattuffillu akornanni ileqqussanngorlugu suleqatigiinnerunissap pilersinneqarnissaa Kalaallit Nunaanni kattuffinnit ujartorneqarpoq. Kattuffiit isumaginninnikkut suliniuteqarnernut tunniusseqataasussatut ilanngunneqarnerunissaasa qulakkeernissaa siunertarineqarpoq. Tamanna ullumikkut atuutinngilaq, kattuffiillu sunik tunnusaqarsinnaanerannik naoqqutassiat ataatsimullu paasinninneq amigaatigineqarpoq. Kommunit arlaqartut oqariartuitigaat namminneq piumassutsiminnik suliaqartut qanoq illutik suleqatigissanerlugin ilisimanagu. Kattuffiit immikkuullarilluinnartumik piukkunnassusaat ullumikkornit pitsaanerujussuarmik atorluarneqassapput.

Pissuseqataanik Danmarkimi aningaasaateqarfiiit ataqtigiiinnerusumik suleqatigiinnissamik ujartuippuit, kingunerisaa tassaammat tamakkiisumik anguniagaqarnani killilimillu sunniutilimmik siammasissumik suliniutinut pullaveqarneq. Suliniuit equngasumik aggurneqarsimasutut misigineqarportaaq, illoqarfiiit ilaanni amerlanerullutik ilaaniilu ikinnerullutik soqaraniluunniit – aningaasaateqarfimmut kattuffimmullu nukilalaarnartumik.

Neqerooruterpassuit aamma namminneq piumassutsiminnik sulisunik pinngitsuuisin-naanngereerput. Ilutigitillugli nalunaarutigineqarpoq nammineq piumassutsimik suliussarsiorneq ajornartorsiutaagaluttuinnartoq. Tamanna allanngortinneqassaaq nammineq piumassutsimik sulinerup nalinganik ilisimasat ilisimanninnerlu pillugit siammarterinikkut meeqqanullu tunngatillugu isumaginninnikkut nammineq piumassuseq atorlugu suliniuteqarnermi atugassarititaasunik pitsaanerulersitsisunik pilersitsinikkut.



## BOKSI 4.1

### Siusissukkut suliniuteqarnerup tulleriaarinermi pinguarnerutinnejarnissaa innersuussutigineqarpoq

1. Pikkorissarnerit naeqqussakkat meeraaqqanillu siunnersortinit sunniutilimmik ikorfartuinikkut ilaqtariit atugarliortut angajoqqaat piginnaasaanik piorsaavigalugit ikornejqassapput.
2. Sullisisut peqqissaasullu/ernisussiorttullu akornanni suliassaqarfitt assigiinngitsut akornanni suleqatigiinneq pitsangorsarneqassaaq, taamaaliornikkut atugarliutinik sumiginnaanernillu ersiutit siusinerusukkut paasineqarlutillu iliuuseqarfigineqarsinnaaqquillugit.
3. Ulluunerani paaqqinnittarfinni sulisut pikkorissarneqarlutillu piginnaanngorsarneqassapput, atugarliutinik sumiginnaanernillu ersiutinik siusinnerusukkut paasinnissinnaanngortillugit.
4. Meeqanut tunngatillugu isumaginninnikkut namminneq piumassutsiminnik suliaqartut atugassarititaat pitsangorsarneqassapput, taamaaliornikkut isumaginninnikkut ajornartorsiutinik sapinngisamik sukkanerpaamik aaqqiissutissanik inuaqatigiinni inuit siunnersuuteqarsinnaalersillugit.

## Kommunini sullissinermik pitsangorsaaneq

Meeqqat ilaquaallu atugarliortut ikiorneqarnissamik pisariaqartitsigaangata isumaginninnikkut oqartussat piffissaagallartillugu eqqortumik ikuussinnaanissaat kiisalu meeqqap ilaquaasallu atugaannik malitseqartitsinerup qulakkeernissaanut qitiulluin-narput. Kommunini inunniq isumaginnittoqarfiiq isumaginninnikkut isumannaallisaane-ranni qitiupput. Meeqqat inuuusuttullu pillugit suliassarpas-suit arlalitsigullu pisariul-luinnartut passunnissaat ajornartorsiutaasorujussuuvoq. Ilaatigut pissutaapput:

**Amigartumik sullissineq:** Kommunini kommunillu assigiinngitsut akornanni aaqqis-suussaasumik sullissinermik periuseqartoqanngilaq. Ilutigitillugu inatsisit atuutsiler-sinneqarniarnerat ajornartorsiutaasorujussuuvoq. Nalunaaruteqartoqartillugu piffis-saagallartillugu iliuuseqartoqarneq ajorpoq aalajangersimanatillu isumaginninnikkullu suliani misissuineq iliuusissatallu pilersaarutit amigaataallutik. Qaavatigullu meeqqat, ilaquaasut attaveqarfiiullu naammattumik ilanngutitinneqarneq ajorput.

**Sulisut taarseraannerujussuat kiisalu sulisunik piukkunnaatilinnik attassinerup ami-gaataanera:** Sullissinermut tunngatillugu 2017-imi misissueqqissaarnerup<sup>14</sup> takutip-paa kommunini sullisisut 33 pct-it missaannaat inunniq siunnersortit ilinniagaqr-tut. Sullisisut sinneri siunnersortimut ikiortitut, inunniq isumaginnittutut, isumagin-ninermi ikiortitut allamilluunniit akunnattumik sivisuumilluunniit ilinniakkamik tunu-liaquaqarput. Misissueqqissaarnerup aamma takutippaa isumaginninnermut siunner-sortitut ilinniagaqartut amerlasuut kommunimi atorfitsik qimallugu allatut atorfinit-tartut. Isumaginninnermut siunnersortit 200-t missaanniittut affaat suliassaqarfitsik qimassimavaat.

**Sulismut ataatsimut suliassat galeriiaattut:** Sullisisut ataasiakkaat suliassaat 70-it 200-llu akornannik amerlatigisunik suliassateqartut missiliorneqarpoq. Kisitsisit qaffasinnerujussuat sulisut taarseraannerujussuannik isumaginninnikkullu suliassati-gut piginnaasakinnerannik ilagaanni nalunaarutigineqartunik kiisalu isumaginninnikkut suliassat sularineqarnerannik iliuusissatallu pilersaarutinik suliaqarnerup amigarne-ranik arriippallaamilluunniit passunneqarnerannik kinguneqarpoq.

**Meeqqanut inuuusuttunullu atugarliortunutatugarliortunut suliassaqarfimmut tunngatillugu piginnaanngorsaanissamut pikkorissarnissamullu periarfissanik tamakkiisumik takunnissinnaannginnej:** Meeqqanut inuuusuttunullu atugarliortunut suliassaqarfimmut tunngatillugu piginnaanngorsarnissamut piukkunnarsarnissamullu neqeroorutit pioreersut ataatsimut takuneqarsinnaanissaat ujartorneqartorujussuu-voq. Ataatsimut takunnissinnaannginnej pissutigalugu pikkorissarnerit saaffigisanut naammattumik naleqqussarneqanngillat, neqeroorutit piumasallu ataqatigiinnerat naammanngillat pikkorissarnerillu neqeroorutigineqartut galeriiaartumik imaqartin-neqarput imaluunniit pikkorissarnerit isumaginninnermut tunngasuni ilinniarfinni ataatsimoortumik iluaquaasumik ilaatinneqartariaqarlutik. Suliamik ilisimasalinnut piginnaasanik suliassarpas-suarnik pisariusunik passussinermi atugassaannik ineriar-tortitsisoqannginnera tamakkiisumik takunnissinnaannginnerup kinguneraa.

<sup>14</sup> Ilaquatariinnermut, Naligiissitaanermut, Isu-maginninnermut Inatsisinillu Atuutsitsinermut Naalakkersuisoqarfik: Eqikkaasumik nalunaarusiaq, januaari 2017, Deloitte.

Misilitakkat takutippaat akuttunngitsumik piginnaanngorsaalluni pikkorissarnerit, issiaqatigalugit ilinniartitsinerit qanittumillu malitseqartitsinerit aqqtigalugit sullisineq pitsangorsarneqarsinnaasoq. Ataatsimoorussamik IT-mik aqutsissut sullissinermut aamma ikorfartuisinnaavoq paassisutissallu tunngavigalugit aqutsinermut iluaquaassalluni. Kommunit tallimat tamarmik elektroniskimik sullissinermut allagaatinullu aqutsissummik (ESDH) atuutilersitsissapput.

Kommunini sullissinermi ajornartorsiutit pissutigalugit meeqqanut inuusuttunullu kiisalu ilaquaannut atugarliortunut iliuuseqarneq qitiusoq sanngiippallaarpooq. Kommunini sullissinerup pitsaassusaata qaffannissaanut siunertaqarluni iliuuseqarfigineqartariaqarpooq. Meeqqat inuusuttullu atugarliortut amerlanerusut piffissaagallillugu ikiorneqarnissaat qulakkiissavaa ajortumillu uteqattaartoq kipitinneqarluni.

#### BOKSI 4.2

##### **Meeqqanut inuusuttunullu tunngatillugu kommunini sullissineq malunnaatilimmik pitsangorsarneqarnissa innersuussutigineqarpooq**

5. Kommunit oqartussaaffii assigiinngitsut akornanni suleqatigiinnikkut taartinillu ikiorteqarnikkut suliat meeqqanut inuusuttunullu tunngasut suliarineqanngitsut ikilisarneqassapput.
6. Kommunini tallimani tamani sullissinermi ataatsimut periusissaq atulersineqassaaq, taamaaliornikkut najoqquassiat, ilutsit suliassallu allattorsimaffii ilanngullugit, sullissisunit tamanit atuinissaat qulakkeerneqassalluni. Tassunga ilanngullugit aqutsisunik sulisunillu piginnaanngorsaaneq issiaqatigalugillu ilitsersuineq ingerlanneqassapput, qaffasissumik pitsaassusilimmik sullissinerup ikorfartornissaanut sakkulerosneqassallutik. Ilutigitillugu isumaginninnermut suliassanut ESDH-mik aqutsissutip atuutilersinneqarnissaanut Pitsaaliuinermut Isumaginninnermullu Aqutsisoqarfik ikorfartuissaaq.
7. Internetikkut pikkorissarnernut isaaffimmik pilersitsinikkut meeqqanut inuusuttunullu tunngasuni sulisunut pikkorissaatit pioreersut suuneri tamakiisumik takuneqarsinnaalissapput, pikkorissaatit neqeroorutigineqartut naleqqussarnerisigut pikkorissarnerillu soraarummeerutigineqarsinnaasut amerlinissaasa qulakkeerneratigut.

#### **Meeqqanut inuusuttunullu atugarliortunut neqeroorutit amerlanerusut**

Meeqqanut inuusuttunullu atugarliortunut isumaginninnikkut sulinermi iliuuseqarnermut qitiulluinnarpooq, inuttut nukissaqarnerisa nukittorsarnissaannik peqqinnartumillu ineriantornissaannut ikorfartornissaannik imaqartunik neqerooruteqarnissaq, taamaaliornikkut inuunerme ingerlaqqinnsaannut sapinngisamik ikiorneqarsinnaaqqullugit. Suliniutigineqartut ingerlalluartut ullumikkut arlaqarput ikiuukkumanissamullu aamma periarfissaqarluni. Arlalinnili utaqqisunut allattorsimaffeqarpooq neqeroorummullu meeqqat inuusuttullu sivisuumik utaqqisariaqartarlutik. Ajornartorsiutaasuni ersarissaatigineqarpooq:

**Meeqqat inuusuttullu atugarliortut unnukkut unnuakkut sapaatillu akunnerisa naanerini paarinerlunneqarnissamut sumiginnarneqarnissamullu atugarliortut naammattumik isumannaallisaanikkut aaqqiivigineqanngillat:** Meeqqat pingarnertut unnukkut, unnuakkut sapaatillu akunnerisa naanerini mianernarnerpaasartut nalinerneqarpooq kinguaassiutitigullu kannguttaatsuliorfigineqarnissamik, angajoqqaat imigas-

sartornerat pissutigalugu paarinerlunneqarnissamik imaluunniit allatut sumiginnarne-qarnissamik aarlerinartorsiornerpaasarpus. Taamaammat meeqqat inuusuttullu atugarliortut amerlavallaat paarsisinnaasumik inersimasortaunnermut angerlarsimainnajunnaarnermulluunniit pisinnaasarpus. Kalaallit Nunaanni Politit oqaluttuarput meeqqat inuusuttullu amerlaqisut unnuakkut aqqusinerni angalaaginnartut takussaa-sartut aningaasarsiffiillu nalaanni amerlanerusartut.

Taamaattoqartillugu sunngiffimmi sammisassaqtitsiviit orniguttarfiillu illersuu-taapput meeqqanullu attaveqaataallutik. Orniguttarfiit meeqqanik atugarliortunik aamma nassaarsinnaapput nalunaaruteqarlutillu. Pisariaqtitsinerli naammassiniar-lugu orniguttarfiit naammannigillat. Taamaammat meeqqat atugarliortut unnukkut, unnuakkut sapaatillu akunnerisa naaneranni qimarguvigisinnaasaannik arlalinnik pilersitsinissaq pisariaqarpoq. Sumiiffik toqqissisimaffigisinnaasaat siunnersorne-qarnissamut, nerinissamut unnuinissamullu periarfissiisoq.

**Ilaqutariinnut Sullissivinni suliarineqartut nukissat piginnaasallu tassaniittut eqqarsaatigalugit siammasippallaqaat:** Kommunit meeqqanut, inuusuttunut ilaqua-taannullu atugarliortunut ikiuniarneranni Ilaqutariinnut Sullissiviit qitiupput. Ilaquta-riinnut Sullissiviit 16-iusut Kalaallit Nunaanni tamakkerlugu agguataarneqarsimapput, meeqqap najugaqarfia aallaavigalugu sumiiffinni qanigisani ikiuinissamut periarfissiil-lutik. Ilaqutariinnullu sullissiviit sumiiffimmi najukkami akulikitsumik neqeroorutitu-aasarpooq. Ilaqutariinnut Sullissiviit qitiusumik suliassaqarnerat pissutigalugu amer-lanerit siammasissorujussuarnik suliaqartariaqartarpus soorlu ilaqutariinnik katsor-saanermik, pitsaaliuinermk, siunnersuinermk, ikiugasuarnermk, peqqissutsimik siu-arsaanermik katsorsaanermillu suliaqarnermk. Suliassarisartagaat aamma qitiusumik suliassaannit allaanerusunik aamma ingerlatsisarpus soorlu AA-mi ataatsimiinnerit, pujortarunnaarniarluni pikkorissarnerit utoqqarnullu sammisassaqtitsinerit.

Ilaqutariinnut Sullissiviit kommuninit ingerlanneqarput kommunillu ataasiakkaat nam-minneq aalajangertarpaat Ilaqutariinnut Sullissiviup kikkut saaffigissanerai iliuusis-sallu suut neqeroorutigineqassanersut. Siunertaq, suliassat neqeroorutillu qitiusumit annertunerusumik nassuiarneqarsimanngillat kiisalu meeqqap inuusuttullu pisariaqar-titaat qitiutinnejarnissaat qanoq pitsaanerpaamik qulakkeerneqarnissaanut ataatsi-mut najoqqtassanik aalajangersaasoqarsimanani. Ilaqutariinnut Sullissivinnik misis-sueqqissaarnerit takutippaat anguniakkat ersarissut kiisalu sullissivimmi suliassat aamma/imaluunniit suliassat killilerneqarnissaat amigaatigineqartut<sup>15</sup>.

Meeqqat inuusuttullu atugarliortut amerlanerusut pisariaqtitaminnik ikiorneqas-sappata Ilaqutariinnut Sullissiviit siammasissumik suliaat killilerneqartariaqarput, neqeroorutit meeqqanut inuusuttunut ilaquaannullu atugarliortunut annertunerusu-mik neqerooruteqartilerlugit. Ilaqutariinnut Sullissiviit siunissami ilaqutariinnut siam-masinnerusumik iliuuseqarnissamik neqerooruteqarsinnaalerumaarnerat aallaavigi-neqarsinnaavoq.

---

<sup>15</sup> Isumaginninnermut Aqutsisoqarfik (2017) *Kalaallit Nunaanni meeqqanik inuusuttunillu isumaginninnikkut aarlerinartorsiortunik sullissinermi Kalaallit Nunaanni Namminersorlutik Oqartussanik tapersersuineq, misissueqqissaarnermit nalunaarusiaq Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoqarfik (2011) Ilaqutariinnut Sullissivinnik naliersuineq 2010/2011.*

*Meeqqanut inuuusuttunullu kinguaassiutigut atornerlunneqarsimasunut illoqarfinni nunaqarfinnilu ornigulluni katsorsaanissamik neqeroorutinik amerlanerusunik pisariaqartitsisoqarpoq.* Meeqqanik katsorsaajartorlutik angalasartoqatigiit Meeqqanik katsorsaajartorlutik angalasartoqatigiit 2015-imi aallartinnikut meeqqanik inuuusuttunillu kinguaassiutigut atornerlunneqarsimasunik ornigulluni katsorsaanissamut neqeroorutaavoq pingaarutilik. Meeqqanik katsorsaajartorlutik angalasartoqatigiit tarnip pissusaanik ilisimasalinnik katsorsaasunillu inuttaqartoq erseqqissaanissaq najukkamilu katsorsaanissaq siunertaralugu illoqarfinnut nunaqarfinnullu angalasarloq.

Meeqqanik katsorsaajartorlutik angalasartoqatigiit ulloq manna tikillugu suliniutip iluaqtaaneranik qulakkeerinissimavoq ilaatigullu meeqqat pillugit suliassanik 100-t missaanniittunik suliaqarsimalluni. Piviusumilli pisariaqartinneqartut annertunerujussuunissaa nalilerneqarpoq. Ilutigitillugu illoqarfinni katsorsaanissamut neqeroorutit suli amerlanerusut ujartorneqarput. Taamaattumik sukkanerusumik erseqqissaaneq katsorsaanerlu tulleriaarinermi pingarnersiorneqartariaqarput, meeqqat ilaqtariillu pisariaqartitaminnik sukkanerpaamik ikiorneqarsinnaaqqullugit. Meeqqat kinguaassiutigut atornerlunneqarsimasut pillugit qulaajaaneq katsorsaanerlu kiisalu pisimasunik katersaatinit, meeqqap inuunermi atugarisaanik, pissarititaanik, avatangiisaanik kulturikkullu ataqatigiinnerannik sillimaffigalugit ilisimasanik atuutilersinneqarnerusimasunik aamma ujartuisoqarpoq.

Taamaammat meeqqanut inuuusuttunullu atugarliortunut neqeroorutit assigiinngitsut amerlineqarnissaat pisariaqarpoq, meeqqat inuuusuttullu amerlanerusut illoqarfinni *aamma* nunaqarfinni pisariaqartitaminnik ikiorneqarsinnaanissaat ilaqtigut qulakkeerneqassamat.

Meeqqat inuuusuttullu atugarliortut neqeroorutinik naleqquttunik pisariaqartitsipput, inuunerminni ingerlariaqqinnissaminnut eqqortumik ikiorneqarlutillu pitsaanerpaamik ikiqluarneqarniassammata. Meeqqamut ikioqqusumut oqartussat ikiuisinnaasumut innersuussisinnaanngippata meeraq marloriaammik sumiginneqassaaq. Neqeroorutini piovereersuni piginnaaneqarnerusunik qulakkeerininnissaq pisariaqarpoq, meeqqat inuuusuttullu amerlanerujussuit pisariaqartitaminnik ikiorneqarsinnaaqqullugit.

#### BOKSI 4.3

##### *Meeqqanut inuuusuttunullu atugarliortunut neqeroorutit amerlineqarnissai innersuussutigineqarpoq*

8. Meeqqanut inuuusuttunullu atugarliortunut sammititanik unnuukut, unnuakkut sapaatillu akunnerisa naaneranni orninneqarsinnaasunik amerlanerusunik pilersitsisoqassaaq.
9. Ilaqtariinnut Sullissiviit meeqqanut, inuuusuttunut ilaquaannullu atugarliortunut annertunerusumik siunnerfilarneqassapput.
10. Meeqqanik katsorsaajartorlutik angalasartoqatigiit marloriaatinngortineqassapput, meeqqat inuuusuttullu amerlanerusut illoqarfimminti nunaqarfimmintilu ikiorneqarsinnaalersillugit. Ilutigitillugu Qitiusumik Siunnersuisarfik patajaallisarneqassaaq.



## Meeqqat inuuusuttullu kinguaassiutikkut atornerlunneqarsimasut inatsisitigut illersugaanerat pitsangorsarneqassaaq

Kinguaassiutitigut atornerluinerpassuit eqqorneqartunut, qanigisaannut inuaqatigiinnullu tamakkiisumik annertuumik sunniuteqarput, takuuk kapitali 3. Tamassuma sanatigut eqqugaasoq pinerliisorlu imminnut ilisimasarikkajupput najukkamilu inuaqati-giinni inooqataallutik. Atornerlunneqarnermit eqqarsartaatsikkut kingunerlutsitsinermut eqqugaasullu inatsisitigut illersugaanerat isumalerujussuovoq, ingammik pinerliisup pinerluttulerinermi suliap aallartinnissaanut naammattumik tunngavissaqarsi-mangippat.

Kinguaassiutitigut atornerluineq ajorluinnartunik kinguneqarsinnaavoq, ilaallutik isumaginninnikkut ajornartorsiutit, atornerluineq imminnullu toqunneq. Eqqortumik katsorsarneqanngikkuni ajortumillu uteqattaartumik kipititsisimanggikkuni atornerlunneqarsimasup kingusinnerusukkut atornerluisutut inississinnaanera aamma aarlerinaateqarpoq.



Ajornartorsiummut pingaarutilimmik aalajangiisuuusut arlaliunerat nalilerneqarpoq, matumani:

**Meeqqamik kinguaassiutitigut atoqateqarluni allatulluunniit kinguaassiutitigut iliorluni pinngitsaaliniernik suliani pineqaatissiissutinik qaffaaneq:** Naalakkersuisut kinguaassiutitigut atornerluineq akiorniarlugu periusissiaanni – Killiliisami – atuarneqarsinnaavoq misissuinerit assigiiungitsut takutikkaat innuttaasut pingajorarterutaat Kinguaassiutimikkut atornerlunneqarsimasut. Atornerluineq eqqugaasumut itisuumik innarliisinnaavoq, taamaammat pinerliisup pineqaatissiissutaa innuttaasut inatsisigit illersugaasutut misigisaannut naapertuuttariaqarpoq. Meeqqanik 18-it ataallugit ukiulinnik kinguaassiutitigut atoqateqarluni allatulluunniit kinguaassiutitigut iliorluni pinngitsaaliniernik suliani pineqaatissiissutit qaffannerisigut tamanna anguneqassaaq.

**Kinguaassiutitigut atornerluinernik suliat sukkasuumik sunniutilimmillu passunneqartassapput:** Kinguaassiutitigut atornerluinerpassuit eqqugaasunut inuunermi atugas-sarititaannut, qanigisaasunut inuiaqatigiinnullu tamakkiisumut annertuumik sunniuteqartarput. Suliani taamaattuni Kalaallit Nunaanni oqartussani akisussaaffeqartuni sunniutilimmik qajannaatsumillu suliniuteqartuarnissaq taamaammat pingaaruteqarpoq. Kinguaassiutitigut atornerluineq isumaginninnikkut ajornartorsiuterpassuarnik malitseqartarpoq. Meeqqanut iniusuttunullu kinguaassiutitigut atornerluinernik suliat siusissukkut suliniuteqarfigineqarnerat sunniutilimmillu passunneqarnerat ikorfartorianlugit misissuinerit unnerluutiginninnerillu sunniuteqarluarnerulersinnissaasa

qulakkeernissaa pissusissamisoorsinnaavoq. Kalaallit Nunaanni Politiinit meeqqanut kinguaassiutitigut atornerluinernik suliat ukkatarineqareerput. Ukkatarinninnerat ikorfartorniarlugu innersuussutigineqarpoq politiini immikkoortortamik, kinguaassiutitigut atornerluinernik sorianik ukkatarinnissinnaasumik, suliaqartussamik pilersitsisoqassasoq. Suliani misissuinernut eqquaasunillu videokkut killisiuinernut kingornalu immaqa pinerluttoqarneranik misissuisoqarneranut atatillugu uppernarsaatnik katersinernut tunngatillugu atuutissaaq. Immikkoortortaq sinerissami politiinit iki-uussinanera aamma atuuppoq.

***Inunnut kinguaassiutitigut kannguttaatsuliornermik pissusilersortartunut sammititamik katsorsaanermik neqerooruteqanngilaq:*** Killiliisami periusissiaq naapertorlugu pissutsit qanoq innerannik napisitsinialruni siunissamilu atornerluinerit pinaveersaartinniarlugit eqquaasunik ikiunerit assigalugit kinguaassiutitigut kannguttaatsulior-tartut kannguttaatsuliorntarnerat unitsinniarlugu ikiorneqartariaqarput. Inuit kinguaassiutitigut kannguttaatsuliornermik pissusilersortartut ikorfartorluggillu katsorsar-nissaat, siunissami meeqqanik atornerluinerit pinaveersaartinniarlugit, suliaqarner-mut pingaaruteqartorujussuuvoq. Suliniutit aamma pinerliisinjaasunut meeqqanik kinguaassiutitigut atoqateqarnermik eqqarsaateqarlutillu takorluuisunut atornerlui-nissaannik pinaveersaartitsivigineqarsinnaapput.

#### BOKSI 4.4

**Kinguaassiutimikkut atornerlunneqarsimasut inatsisitigut illersugaanerisa qulakkeernissaanut annertuumik iliuuseqartoqarnissaa innersuussutigineqarpoq**

11. Meeqqanik kinguaassiutitigut atoqateqarluni allatullu kinguaassiutitigut iliuuseqarluni pinngitsaalilerni pineqaatissiissutit qaffannissaat.
12. Kalaallit Nunaanni Politiini immikkoortortamik meeqqanut kinguaassiutitigut atornerluinernik akiuinermik suliaqartussamik pilersitsineq.
13. Kalaallit Nunaanni Pinerluttunik Isumaginnittuni kinguaassiutitigut piner-luuteqarsimasutut pineqaatissinneqarsimasunut iliuusissamik pilersitsineq.
14. Nuummi Pineqaatissinneqarsimasunut Inissiisarfimmi katsorsagassanut inissaliisoqarnissaa.
15. Kalaallit Nunaanni Pinerluttunik Isumaginnittut Katsorsaanermut attaveqaqatigiinnut ilanngunneqassasoq.
16. Pinerliisimasunut isertitsivimmeereernermermi eqqartuunneqarsimanani-luunniit katsorsaavimmik sullissivimmik pilersitsineq.

# 5. Malitseqartitsineq Atulersitsinerlu



Innersuussutit ataavartumik malitseqartinneqartarnissaat atulersinnejarnissaannullu ikorfartuisoqartarnissaat pisariaqartoq suleqatigiissitaq naliliivoq. Taamaammat siunnersuutigineqarpoq naalakkersuisoqarfinni, aqutsisoqarfinni kommuninilu aqutsisunik sinniisunik naleqquttunik inuttalerlugu kalaallit-qallunaallu aqutsisoqatigiivinik pilersitsisoqassasoq, atuutsitsilernermik siumullu ingerlasoqarneranik tamakkiisumik aksussaaffeqartussamik. Aqutsisoqatigiit periusissanik sammivilisunillu aalajangiisinnaatitaasariaqarput. Aqutsisoqatigiit suliniutit pilersinneqarnerannik ukiuni sisamani tulliuttuni malinnaasinnaavoq, qulakkeerniarlugu meeqqanut inuusuttunullu atugarliortunik allannguisumik ilumut iluaqutaanersut, isumannaallisillugit tunngavilerneqarsimanersut suleqatigiinnerlu naappat ineriarorteqqinnejarsinnaanersut. Sulineq pil-lugu ukiumut marloriarluni aqutsisoqatigiit nalunaarusiortassaaq Danmarkimilu naalakkersuisunut, Naalakkersuisunut kommuninillu tamassuminnga ilisimatitsissuteqarluni.

Ilutigitillugu suliniutit Pitsaaliuinermut Isumaginninnermullu Aqutsisoqarfimmi tunngavilerneqartussat atulersinniarnerannut sulinermi suliniutit qajannaatsumik peri-aatsitigullu ikorfartorneqartumik malitseqartinneqarsinnaapput.

### Takussutissiinerit malitseqartinneqarnerat

Suliniutinut aalajangersimasunut atulersinnejartunut kiisalu nakuusernerit, angerlarsimaffinni eqqissiviilliornernik kinguaassiutitigullu kannguttaatsuliornerit pillugit nalunaarutiginninnernut kiisalu imminut toqunnernut takussutissiinerntut attuumassuteqartunut takussutissiinerntut aalajangersimasunut malitseqartitsisoqarsinnaavoq.

Anguniakkanik malitseqartitsinerni naalakkersuinikkut-periusissatigut suliniutinik pitsangorsaalluni suliassaqarfii assigiinngitsut akornanni sulinerup kiisalu meeqqanut, inuusuttunut ilaquaannullu atugarliortunut qanoq isumaqarnerisa malinnaaffigine-qarsinnaanissaa siunertarineqarpoq. Suliniutit siunnersuutigineqartut atulersinnejarnerini ineriarterannik malinnaasinnaajumalluni suleqatigiissitamit piumasaqaatit pingasut malinnejarnissaat innersuussutigineqarpoq, *takuuk boksi 5.1.*

#### BOKSI 5.1.

##### Suliniutit siunnersuutigineqartut atuutsinneqalernissaannut piumasaqaatit attuumassutillit

- Nalunaarutigineqartut amerlassusiisa amerliartornerat
- Kommunit ingerlatsiviini meeqqat inuusuttullu atugarliortut pillugit suliat sularineqanngitsut amerlassusiisa killiffiat
- Meeqqanut inuusuttunullu kinguaassiutitigut kannguttaat suliorfigineqarsimasunut katsorsaanissamut periarfissat

Tamakkiisumik suliniuteqarnermi meeqqat inuusuttullu atugarliortut atugaasa pitsangorsarnissaat atugarissaarnerisalu annertusinissaat siunertarineqarpoq. Suliniutit taamaallaat ukiuni sisamani sulissutigineqareerlutik toqqaannartumik sunniutaannik takussutissarinissap ajornakusoorsinnaanera naatsorsuutigisariaqaraluarluni tamassuma naalakkersuinikkut ukkatariuarneqarnissaat aalajangiisuuusutut isigineqarpoq.

Taamaammat malitseqartitsinermut meeqqat inuusuttullu atugarissaarnerannik takussutissat pingasut ilangunneqarnissaat siunnersuutigineqarpoq, *takuuk boksi 5.2*. Meeqqat inuusuttullu atugarliortut atugarissaarnissaannik isumalimmik atukkat ineriarnerannut uutterneqarsinnaasut aalajangersimasut pingarnerit ilagimmassuk takussutissat toqbarneqarsimapput.

## BOKSI 5.2.

### Meeqqat inuusuttullu atugarliortut atugarissaarnerannut takussutissat

- Nakuusernermik, angerlarsimaffimmi eqqissiviilliornernik kinguaassiu-titigullu atornerluinernik/kannguttaatsuliornernik nalunaaruteqarnerit amerlassusaat.
- Inissiinerit amerlassusiisa amerliartornerat.
- Meeqqat inuusuttullu akornanni imminut toquttut amerlassusaat.

### Atulersitsinermut suliatigut periaatsitigullu ikorfartuineq

Pitsaaliuinermut lsumaginninnermullu Aqutsisoqarfik ukiuni aggersuni annertuumik suliassaqarpoq, katsorsaanermut neqeroorutinik annertusaanermik nutaanillu pilersitsinermik, kommunit suliatigut periaatsitigullu ikorfartorlugit kiisalu inuaqatigiinni inuit suliaqartut nukittunerusut annertusarneranni qitiulluni. Tamassuma qaavatigut aqutsisoqarfik pingaarutilinnik naalakkersuinikkut tulleriaarinermi pingarnersiukanik sorianik ingerlataqareerpoq, ilaatigut Killiliisap kiisalu Angajocqqaat meeqqanik sumiginnasaarnerat akiorniarlugu nuna tamakkerlugu iliuusissanut pilersaarutaata malitsigisaanik suliassat.

Pitsaaliuinermut lsumaginninnermullu Aqutsisoqarfik ikorfartorniarlugu Danmarkimi lsumaginninnermут Aqutsisoqarfimmik suleqateqarneq ingerlaannassaaq. Satspuljemi suliniummut "Kalaallit Nunaanni meeqqanik inuusuttunillu lsumaginninnikkut atugarliortunik sullissinermi Namminersorlutik Oqartussanik tapersersuineq"-mut (2017-2020) ilaattillugu lsumaginninnermут Aqutsisoqarfik suliniutinut aalajangersimasunut tunngatillugu sullissinermut, ilaqtariinnut sullissivinnut, ulloq unnuarlut paaqqinniffin-nut kiisalu piginnaasanik ineriarortitsinernut tunngatillugit suliatigut periaatsitigullu qanimat ikorfartuisimavoq. Satspuljemi suliniutaasoq aqqutigalugu misilitakkat pitsaasut pissarsiarineqarsimasut siunissami aallaavigineqassapput suliniutissallu aal-laavigalugit suleqatigiinneq nangeqqinnejqassalluni.

# 6. Innersuussutit it isilerlugit nassuiarneri

## **INNERSUUSSUT 1. Pingaartumik ilaqtariit qajannartut erloqisullu immikkut ukkataralugit angajoqqaat piginnaasaannik nukittorsaaneq**

Suleqatigiissitap innersuussutigaa angajoqqaat piginnaasaannik annertusaanermik suliniutaareersoq (MANU) annertusarneqassasoq ilaqtariit qajannartut erloqisullu ukkatarineruneratigut meeraaqanillu siunnersuisut atorlugit sunniutilimmik ikorfartuinikkut.

Meeqqat ineriarngerannik, isumassornerannik il.il. ikorfartuinerusinnaalersillugit taamalu sumiginnaanermik pitsaliuilluni, angajoqqaat atugarliortut sakkulersorneqarnissaat siunertarneqarpooq.

### **Suliniutip nassuiarnera**

Angajoqqaanik pikkorissaaneq pioreersoq, MANU aqqutigalugu, atortullu pioreersut aallavigalugit ilaqtariinnut immikkut atugarliuiteqartunut siunnerfilimmik pikkorissarnernik Pitsaliuinermut lsumaginninnermullu Aqutsisoqarfik inerartortitsissaq.

Pikkorissarnerup MANU-mi pikkorissarnernut allanut sanilliullugu allaanerussutigissavaa tunngaviusumik pikkorissutsimik taamalu iliornerusunik sammitinneqarnerussammatt.

Pikkorissarneq nammineq misiliinermut iliuuseqarnermullu sammitinneqassaaq, ilaqtariit immikkut atugarliuiteqartut ulluinnarni atorsinnaasaminnik aalajangersimasunik sakkussaqalersinniarlugit. Taamaammat saqqummiusseriaaseq immikkut sammineqassaaq, soorlu filminik, videunik ilitsersuutinik takusassanillu atuinerunikkut.

Pikkorissarnerit angajoqqaanut naartunermiit meeqqap pingasunik ukioqalernissaata tungaanut sammitinneqassaaq, taamaalilluni meeraq ulluni 1000-ini siullerni, meeqqap ineriarngeranut aalajangiisuulluinnartumi, malinnaavigineqassalluni. Eqimattat mikisunnguakkaarlugit pikkorissarnerit ingerlanneqassapput, attaveqaqatigiinnermik pilersitseqataasusaassalluni. Pikkorissarnerit peqinnissaqarfimmi sulisunit ingerlanneqartarnissaat aallaviussaaq.

Pikkorissarnerit allanngorarsinnaanngorlugit najukkani aaqqisorseqassapput. Assersuutigalugu pikkorissarnerit unnukkut ingerlanneqarsinnaassapput. Takkunnernut attassinernullu tamanna qulakkeerinneqataassaaq. Attassineq suli pitsaanerulersinniarlugu angajoqqaat pikkorissarnerup aallartinnerani tunngaviusumik pisariaqartitanik poortukkamik tunineqassapput soorlu milutsitsinermi akiseq, naalungiarsulerinermut akiseq, nangit, pinngussat atisallu. Poortukkanik inerisaaneq agguanerlu sapinngisamik suliniaqatigiiffimmut naalakkersuisutiguungitsumut suliakkiutigineqassaaq.

Ilaqtariit immikkut atugarliuiteqartut annertusisamik ikorfartorneqarnissaminut MANU-mut attuumassuteqartinneqarnissaminut periarfissaqassapput. Tamanna meeraaqqanut siunnersortit, assersuutigalugu napparsimmavinni sulisut, Ilaqtariinnut Sullissivinniittut allarluinnarmeersumilluunniit aqqutigalugit qanoq iliornissamut siunnersuillutiluunniit ilit-sersuisinnaapput.

Ilaqtariinnut immikkut atugarliuiteqartunut immikkut sammisumik ingerlatsinerup saniatigut, MANU-p neqeroorutai ilaneqassapput meeqqanut tallimanit arfinilinnut ukiullit angajoqqaavilu ilaatinneqalerlutik. MANU-mi pigineqareersut aallaavigalugit atortussat Pitsaliuinermut lsumaginninnermullu Aqutsisoqarfimmit inerisarneqassapput.

## **INNERSUUSSUT 2. Kommunini sullissisut, peqqissaasut ernisussiortllu akornanni suliassaqarfiit assigiinngitsut akornanni sulialinnik suleqatigiinneq patajaatsoq**

Suleqatigiissitap innersuussutigaa kommunini sullissisut peqqinnissaqarfimmilu sulisut soorlu najukkani peqqissaasut ernisussiortllu akornanni suliassaqarfiit assigiinngitsut akornanni suliallit suleqatigiinnerup patajaallisarneqassasoq.

Ilaqtariit immikkut atugarliuuteqartut sapinngisamik siusinnerpaamik paasineqarnissaat sukkanerpaamillu ikiorneqarnissaat siunertarineqarpoq. Taamaaliornikkut meeqqat ilaqtariilluunniit qajannartut erloqisullu suliassaqarfiit akornanni katataanginnissaat qulakkeerneqassaaq soorlu aamma suliat assigiinngitsut akornanni oqaloqatigiinneq pisassalluni, meeqqat ilaquaallu ataasiakkaat ikorfartorneqarnissamut pisariaqartitaat suliassaqarfiit assigiinngitsut akornanni sulisunit aqutsisunillu oqaluuserineqarsinnaassallutik. Suleqatigiinnerup patajaallisinneratigut meeqqanut inuuusuttunullu ilaquaannullu iluaquataasumik siusissumik iliuuseqarnissamut periarfissat pitsaanerulernissaat qulakkeerneqassaaq.

### **Suliniutip nassuiarnera**

Suliassaqarfiit assigiinngitsut akornanni soorlu kommunini najukkami isumaginninnermut, atuarfeqarnermut, atualersimannngitsunut peqqinnissamullu tunngasuni, aqutsisut sulisullu patajaatsumik suleqatigiinnermik ineriaartortitsinissaq pisariaqarpoq. Taamaammat Pitsaaliuinermut lsumaginninnermullu Aqutsisoqarfik suliniutip "Ilaqtariinnut naartusunut siusissumik iliuuseqarneq"-up atulersinniarneranut suli ingerlasumut ullumikkornit annertunerusumik ikorfartuissaaq, suliassanik aaqqissuilluni, ataqtigiiressilluni, siunnersuilluni ikuullunilu.

Suliaqarfiit ataatsimoorutigaat, suliat aalajangersimasut pillugit nalinginnaasumik tassungalu tunngatillugu suliassaqarfiit assigiinngitsut akornanni suliallinni suliat pillugit oqaloqatigiinnerit, suleqatigiiffiit, atuuffiit akisussaaffiillu ingerlaavartumik qulakkeertussaammassuk. Ilassutitut ataatsimiinnerni misilitakkat atorneqartut pitsaanerpaat pillugit paarlasseqatigiiffiusinnaapput.

Suliassaqarfiit assigiinngitsut akornanni suleqatigiinneq ingerlalluassappat qitiusumit qanumut malinnaavigineqartariaqarnera qitiusumiillu ataatsimiinnernik aaqqissuinernik ikuuttoqartariaqarnera Pitsaaliuinermut lsumaginninnermullu Aqutsisoqarfip misilittagaraa. Soorlu aamma qitiusumit ataatsimiisitsinernut ikuuttoqartussaalluni. Taamaammat najukkani Siusissukkut suliniuteqarnerup atulersinissaanik ikorfartuinerup ullumikkornit annertunerulernissaa patajaallisikkumallugu aqutsisoqarfimm nuna tamakkerlugu siunnersuineq pitsangorsarneqartariaqarpoq.

Suleqatigiinnermik aalajangersimasumik ataatsimiittarnerit saniatigut najukkani isumasioqatigiinnerit ingerlaneqartassapput, Pitsaaliuinermut lsumaginninnermullu Aqutsisoqarfik najukkami peqqinnissamik suliaqartut suleqatigalugit siusissumik ujaasinermillu suliniuteqarnerit pingaaruteqassusaat pillugit ilisimasanik siammeritissallutik. Suliaqarfiit assigiinngitsut akornanni suleqatigiinnermik tamanna patajaallisitsissaq suliaqartullu siusissukkut suliniuteqarnermik suliaqartut sakkulersorneqassallutik.

"Ilaqtariinnut naartusunut siusissukkut iliuuseqarneq"-mik nalilersuinermit ilisimasat qualaanilu taaneqartunit misilitakkat tunngavigalugit, meeqqanut ilaquaannullu qajannartunut erloqisunullu tunngatillugu suliassaqarfiit assigiinngitsut akornanni suleqatigiinnermut najoqqu-tassamik atugassarititallu nassuaataannik aqutsisoqarfik suliaqassaaq. Najoqqu-tassani atugassarititallu nassuaataanni atuuffiit, meeqqanut ilaquaannullu qajannartunut erloqisunullu tunngatillugu akisussaaffiit suliassallu agguataarnerat, misilitakkat atorneqartut pitsaanerpaat assersuutaat ilanngullugit, najoqqu-tassaqartinnejassapput.

### **INNERSUUSSUT 3. Ulluunerani neqeroorutini sulisunik pikkorissaaneq piginnaasanillu ineriartortitsineq**

Suleqatigiissitamit innersuussutigineqarpoq ulluunerani neqeroorutini sulisunik najukkami pikkorissaaneq piginnaasanillu ineriartortitsineq qulakkeerniarlugu angalaqatigiittartunik pilersitsisoqassasoq, ilangngullugit meeqqanik sumiginnaanermik siusissukkut nassaarneq pinaveersaartitsinerlu immikkut ukkatarineqassasut. Taamaaliornikkut meeqqat sumiginnarneqartut sumiginnarneqaratarsinnaasulluuniit nassaaralugillu ikorfartornissaannut ulluunerani neqeroorutini sulisut pitsaanerusunik sakkussaqalissapput.

#### **Suliniutip nassuiarnera**

Ulluunerani neqerooruteqarfinni sulisut kalaallit meeqqanik sumiginnarneqaratarsinnaasunik sumiginnarneqartunillu nassaarnissamik, pitsaaliuinermik isumaginninnermillu ilisimasanik pikkorissartinneqassapput.

Pikkorissarneq Danmarkimi Praksiskonsulentinit ikorfartorneqartoq (ilitsersuisumik ilitser-suinermik periaaseq), Danmarkimi Børne- og Undervisningsministereqarfimmeli Styrelsen for Uddannelse og Kvalitet-imit aaqqissorneqartumik, Ilinniartitaanermut Aqutsisoqarfimmit angalaqatigiittartunit kalaallinit ingerlanneqassaaq. Kalaallit angalaqatigiittartut praksiskonsulentit suleqatigalugit siunnersuinermik suliniuteqarnermik ineriartortitsissapput, ulluunerani neqeroorutit meeqqanik aarlerinartumik inissimasunik siusissumik nassaarnissamut, pitsaaliuinissamut isumaginninnissamullu suliassaannik ikorfartuisinnaasunik. Periaaserineqartut ilaatigut nassatarissavaat ulluunerani neqerooruteqarfinni sulisunut aqutsisunullu sammititamik angalaqatigiittartut ilitsersuillutillu pikkorissaasarnissaat.

Siunnersuinerup ingerlariaasissaannik najoqqutassior toqassaaq, suleqatigiinnerup aaqqis-sornissaanut pilersaarut, aallartisarluni isumasioqatigiinneq, suliat periaatsillu pillugit ilisimasanik saqqummiineq siusissumillu nassaarniarnermi ingerlaatsit ilangngullugit. Siunnersuinerup ullukkut paaqqinnittunut, meeraaqquerivinnut meeqqerivinnullu qanoq sammitinneqasaneranik aalajangiinermik najoqqutaq imaqassaaq. Angalasartoqatigiit sulinerat illoqarfinnut nunaqarfinnullu qanoq pitsaanerpaamik agguataarneqassaneranik aamma aalajangiisoqassaaq.

Kommunini tunngavilerneqarsimanissaq qulakkeerniarlugu kommunini tallimani tamani perorsaanermut siunnersortinik suleqateqarneq pilersinnejassaaq. Pitsaaliuinermut Isumaginninnermillu Aqutsisoqarfimmik suleqateqarneq aamma pilersinnejassaaq, aqutsisoqarfik suliassaqarfimmeli suliniutinut sinnerinut pitsaassutsimik qulakkeerinninnermik ataqati-giissaarinermillu ikuissalluni.



#### **INNERSUUSSUT 4. Nammineq piumassutsimik meeqqanik isumaginnin-nermut tunngatillugu suliniuteqarnermut sinaakkutit patajaatsut**

Suleqatigiissitamit innersuussutigineqarpoq, isumaginninnikkut naalakkersuinermi ajornartorsiutinik aaqqiissuteqarnerni inuiaqatigiinni inuit peqataatinneqarnerulernissaat. Tamanna siullermik qulakkeerneqassaaq peqatigiiffit ikiuunnissamut neqeroornissamut periarfissarissaarnerulersinniarlugit, nuna tamakkerlugu ataqatigiissaarisartunik pilersitsinikkut nammineq piumassutsimik meeqqanik isumaginninnermut tunngatillugu sulinermi sinaakkutit patajaallisarlugit. Ataqatigiissaarisartut nammineq piumassutsimik peqatigiiffit, Kalaallit Nunaanni Oqartussat kommunillu akornanni suleqatigiinnermik ileqqussangortitsinerunermik pilersitsissaaq, taamaaliornikkut meeqqanut inuuusuttunullu tunngasuni ataatsimut aaqqiissutissanik suleqatigiinnernillu pilersitsisoqassalluni. Siunnersut tamanna Kalaallit Nunaanni inuiaqatigiinni inunnit kissaateqarnermit aallaaveqarpoq.

#### **Suliniutip nassuiarnera**

Meeqqanut tunngatillugu nammineq piumassutsimik suliniutinut nuna tamakkerlugu ataqtigiissaarisartussanik pilersitsisoqassaaq, Namminersorlutik Oqartussat inuiaqatigiinnilu inuit/kattuffiit kiisalu komunit akornanni paasissutissiinermik, ikorfartuinermik ataatsimullu suleqatigiissutigisanik ineriertortitsinernik suliaqartussamik, tassuunakkullu inuiaqa-

tigiinni suliniutinut isumaginninnerup iluani nammineq piumassuseq atorlugu kattuffiit kivit-seqataanerusinnaalersillugit.

Ataqatigiissaarisartunut pingaarutilik alla tassaavoq Danmarkimi aningaasaateqarfinnit nunami attaviussammat, Namminersorlutik Oqartussanit kommuninilu ujartorneqartumik, suliniutaareersunik qalliinngitsumik, suliassanut ikuukkumanissamut neqeroorsinnaalis-sallutik.

Ataqatigiissaarisartut aamma suliariissavaat nammineq piumassutsimik sulinerup naleqas-susaata iluaqutaaneratalu siammerternissaa, peqatigiiffiit nammineq piumassutsimik suli-sussanik pissarsillutillu ilaasortaatisiinnarnissaannut aamma iluaqtaasussamik. Suliassa-qarfimmi ataatsimut pilersaarusiornikkut tamanna ilaatigut pissaaq.

Ataqatigiissaarisartut aamma suliassarissavaat suliniutini pilersaarutinilu suut ingerlanne-qarnersut ingerlanneqarsimanersullu kiisalu suut angusaqrluarfigineqarsimanersut tamak-kiisumik takusinnaanissaat. Siunnersuutigineqarpoq ataatsimut internetikkut isaaffiliorto-qassasoq, pilersaarutit suut ingerlanneqarnerannik namminneq piumassutsiminnik sulisut kattuffiillu takunnissinnaaniassammata suullu ikuuffiginissaannut neqeroortoqarsinnaas-sallutik.

Ataqatigiissaarisartut sulinerat Kalaallit Nunaanni *namminneq piumassusertik naapertor-lugu sulisut suleqatigiinnissamut isumaqatigiissummit ikorfartorneqassaaq*. Suleqatigiin-nissamut isumaqatigiissut Namminersorlutik Oqartussanit, kommuninit kiisalu namminneq piumassusertik naapertorlugu sulisut peqatigiiffiinit kattuffiinillu sinniisunit ataatsimoorlu-ni suliarineqassaaq. Suleqatigiinnissamut isumaqatigiissummi suleqatigiit akornanni atugas-sarititanik aalajangersaanissamik siunertarineqarpoq najoqqutassiallu makkuninnga ima-qassallutik:

- Suliassat akisussaaffeqarfiillu suunerisa oqaasertalerneqarnissaat kiisalu oqartussat namminnerlu piumassusertik naapertorlugu sulisut akornanni akisussaaffinnik inuttallu agguataarnerat.
- Nammineq suliniuteqarnermi paaseqatigiissutissat tamassumalu isumaginninnermi ajornartorsiutinik aaqqiinissamut qanoq iluaqtaasinnaanerisa oqaasertalernerat.
- Suliniutigineqartut tulleriaarinermi pingaarnersiorneqarsimasut nammineq piumassusertik naapertorlugu sulisunit peqataaffigineqarsinnaasutut nalilerneqartut.
- Kommunit namminnerlu piumassusertik naapertorlugu suliaqartut peqatigiiffiisa kattuffiisalu akornanni suleqatigeeriaatsinik assersuutit, tassunga ilanngullugit peqateqarnissamut isumaqatigiissutinut assersuutit.

## **INNERSUUSSUT 5. Meeqqat inuusuttullu pillugit suli suliarineqanngitsut ikilisarnissaat**

Suli suli qaleriia arnerannik annik illisarnissaannut kommunit ikiorneqarnissaat suleqatigissi-tamit innersuussutigineqarpoq.

Meeqqanut tunngatillugu suliassat amerlassusiisa ikilisinneqarnissaannut kommunit ikior-neqarnissaannik siunnersuut siunertarineqarpoq, taamaaliornikkut meeqqat inuusuttullu pisariaqartitaminnik piffissaagallartillugu ikiorneqarsinnaaqqullugit. Suliniuteqarnikkut nalunaaruteqarnernik nutaanik suliassanillu najukkani sullisisut piffissaqarlutillu nukissa-qalissapput. Kommunini sullissinermik ikorfartuinissamik innersuussummut suliniutaasop manna attuumassuteqarluinnarpoq, *takuuk innersuussut 6.*

### **Suliniutip nassuiarnera**

Kommuneqarfik Sermersumi Tasiilami suliniuteqarasuarnermi misilittakkat aallaavigalugit kommunit sinnerini assingusumik suliniuteqartoqassaaq. Kommunit meeqqat inuusuttullu pillugit suliassaatai attorneqanngitsorpassuit isumaginissaannut ikorneqassapput.

Suliaqartartut Danmarkimi kommunit, paarlattaasartussarsiuussisarfik aamma/imaluunniit kalaallit namminersortut suleqatigiinnissamut isumagatigiissuteqarfiginerisigut sulisussar-siarineqassapput.

Suliaqartartut tassaassapput sullisisut sisamat arfinillillu akornanittut ilaqtariinnillu katsorsaasut marluk, qaammatini sismani paarlakaattumik atorfeqartinneqartussat. Kommunini ataasiakkaani atukkat tunngavigalugit suliaqartussat amerlassusisaat nalilerneqartassapp-put. Sullisisut sullissinermik ikiutissapput, isumaginninnikkut misissuinernik ingerlatsiner-mik iliuusissatullu pilersaarusrionernik issiaqatigalugillu ilitsersuinerit ilanngullugit. Ilaqata-riinnut katsorsaasut katsorsaanermik issiaqatigalugillu ilitsersuinernik ikiutissapput.

Kalaallit Nunaanni ataatsimut najoqqutassat IT-millu ikorfartuineq aallaavigalugit ikiuso-qassaaq.

Suliniut sulisunik ilisimasalinnik inuttalik Qeqqata Kommuniani, Kommune Kujallermi aam-malu Avannaata Kommuniani ingerlanneqassaaq. Qeqertalik Kommunip kissaateqarnera naapertorlugu kommunimi meeqqat inuusuttullu pillugit sulanik sullissinermut ikorfartuillu-ni suliniuteqarneq Qitiusumik Siunnersorteqarfimmit immikkut suliniuteqarnikkut namm-i-nersortulluunniit aqqutigalugit ingerlanneqassaaq.

Kommunini ataasiakkaani kommunillu sinerini aqutsisunit sulisunillu atugassanngorlugit suliniuteqarnermit ilikkakkat katarsorneqassapput.

## **INNERSUUSSUT 6. Kommunini sullissinermik ikorfartuineq**

Suleqatigiissitamit innersuussutigineqarpoq kommunini sullissinerup malunnaatilinnik kivinneqarnissaanut iliuuseqartoqassasoq.

Taamaammat siunnersuutip siunertaraa kommunini tallimani sullisisut aqtsisillu isumaginninnermi assigiinnik amerlanerusunillu sakkulerneqarnissaat, sullissinerisa ingerlanerani ikuutissatut suliallu pisariaqanngitsumik ullumikkutut qaleriaalernissaasa pakkersimaarneqarnissaat neriuutigalugu, takuu *innersuussut nr. 5*.

### **Suliniutip nassuiarnera**

Siunnersuut marloqiusamik suliniuteqarnermik imaqarpoq.

Siullertut ilitsersuinermi atortut, ilutsit tulleriaagassallu ilanggullugit, sullisisunit assigiit atorneqarnissaat qulakkeerniarlugu kommunini tallimani ataatsimut sullissinermi periutsit atulersinnejassapput. Aqtsisunik sulisunillu pikkorissaanerit issiaqatigalugillu ilitsersuinert aamma tassani ilaassapput, pitsaasumik sullissinerup ikorfartornissaanut sakkulersorneqassallutik. Aappaattut isumaginninnermi ESDH-mik aqtsisummit atulersitsinermut Pitsaaliuinermut lsumaginninnermullu Aqtsisoqarfik ikorfartuissaq.

***Ilitsersuutinik atulersitsineq, tassunga ilanggullugit ilutsit tulleriaagassallu.*** Sullissinermi ilitsersuutissanik atulersitsiniarluni ingerlatsineq ingerlaannassaaq. Ilutigitillugu atornerluernek passussinermik ukkataqarnissamut, llaqutariinnillu Sullissivinnik suliassaqarfiit assigiinngitsut akornanni suleqatigiinnerup qanoq patajaallisarnissaanik aamma imaqassaaq. Atulersitsinissamik suliaqarnerup ilaa isumaginnittoqarfinnut najukkanilu llaqutariinnut Sullissivinnut/illunut sammitinnejassapput. Qitiusumik Siunnersuisarfik aamma isumaginnittoqarfinni aqtsisunut sammisunik pikkorissartitsinissamut neqerooruteqassapput, pitsaasumik sullissinissamut ikorfartuinissamik tassuunakkut sakkulersorneqassallutik. Pikkorissarnermut atortut ilitsersuinermik videonik ilaneqassapput, ESDH-mik aqtsisummit attavilerneqarsinnaasumik. Pikkorissarnerit najukkani siullermik ingerlanneqassapput, nunaqarfinni sulisut aamma peqataasinnaallutik. Pikkorissarnerit siunissami soraarummeerutaasinnaanngussapput, takuu *innersuussut nr. 7*.

Ilisimatitseqatigiinnerup tunngavilerneqarnissaa qulakkeerniarlugu Qitiusumik Siunnersuisarfimmi nuna tamakkerlugu ataqtigiaanik najoqqutassior toqassaaq (*peer-to-peer koncept*), kommunini sulisunut sammitinnejartunik. Kommunini inuit qitiusumik inissisimasussatut toqqarneqarsimasut akornanni attaveqaqatigiinnermik pilersitsisoqassaaq.

***ESDH-mik aqtsissutip atulersinnejgarnera aallartinneqarpat***, Pitsaaliuinermut lsumaginninnermullu Aqtsisoqarfik isumaginninnikkut suliassanik aqtsisummit atulersitsinermik ikorfartuissaq ilaatigut workshoppit aqqutigalugit kiisalu ilutsit tulleriaagassallu atulersinnerinut atatillugu. ESDH-mik aqtsisummit atulersitsinerup malitsigisaanik sullissineq assigiissarneqassaaq kommuninilu IT-mik ikorfartorneqartumik paassisutissiivimmik tunngaveqalissallutik.

Nalunaarut aqqutigalugu atulersitsineq ikorfartorneqassaaq, taamaalilluni kommunini tallimani sullissinermi periaatsit assigiaartut qulakkeerneqarniassammatt. Nalunaarummi ilitsersuutinik atuinermut ataatsimut najoqqutassanik aalajangersaasoqassaaq. Kingorna sullissinermut tunngatillugu pikkorissarnikkut atulersitsineq ikorfartorneqassaaq.

## **INNERSUUSSUT 7. Isumaginninnikkut meeqyanut inuusuttunullu tunngatillugu pikkorissarnisanut piginnaanngorsaanissanullu neqeroorutinik pioreersunik tamakkiisumik takunnissinnaaneq**

Suleqatigiissitamit innersuussutigineqarpoq isumaginninnikkut meeqyanut inuusuttunullu tunngatillugu pikkorissarnisanut piginnaanngorsaanissanullu neqeroorutinik pioreersunik tamakkiisumik takunnissinnaalernissaq pilersinneqassasoq. Tamanna pikkorissarnermut isaaffimmik pilersitsinikkut, pikkorissarnernik neqeroorutigineqartunik naleqqussaanikkut pikkorissarnerillu soraarummeerutigineqarsinnaasut qulakteernerisut pissaaq.

Siunertarineqartoq tassaavoq, piginnaasaqarnerulersiniarluni pikkorissaanernik pioreersunik kommunit pitsaunerusumik tamakkiisumik takunnissinnaalersinnissaat aammalu kommunit pisariaqartitaannut annertunerusumik naammassinninnissamik qulakteernerinninnissaq. Aamma siunertarineqarpoq Namminersorlutik Oqartussanit nunamilu ilinniarfeqarfinni pikkorissarnerit neqeroorutigineqartut ataqtigiissilerneqarnissaat. Taamaaliornikkut pikkorissarnerit ilinniarnerillu suliatigut imminnut uiggiutigilerneqassallutik pikkorissarnerillu ECTS-/ECVET-pointinut naleqqiullugit nalilerneqartalernissaat imaluunniit ilinniagaqarnisamut, tunngaviusumik ilinniarfinnut ingerlaqqittumillu ilinniarfinnut, akuerisaassutigineqarsinnaasunik soraarummeerutaasinhaallutik.

### **Suliniutip nassuiarnera**

Siunnersuut suliniutinik pingasunik imaqarpoq:

- 1. Isumaginninnermi meeqyanut inuusuttunullu tunngatillugu pikkorissarfissat pikkorissarnissamullu pisariaqartinneqartut pillugit tamakkiisumik takunnissinnaaneq.** Pikkorissarfissanut piginnaanngorsarnissamullu neqeroorutit pioreersut takusassiari-neqarnissaat kommuninilu pineqartuni pisariaqartitat nalilerneqarlutik. Kommuninit, ilinniarfnnit inuussutissarsiuinullu suliassaqarfimmit isumaginninnermut tunngasunik pikkorissaanissamut piginnaanngorsaanissamullu neqeroorutit pioreersut qanoq suli-niuteqarfingeqarnerat aamma misissorneqassaaq. Pikkorissarfissat piginnaanngorsarfissallu sorliit ilinniarfeqarfinni ECTS-/ECVET-pointinut naleqqiunneqartarnersut aamma qulaajarneqassaaq. Suliamut tassunga atatillugu Piginnaasavinnik nalilersuineq aqqtigalugu kommunini isumaginninnermi meeqyanut inuusuttunullu tunngasuni naleqquttutut isigineqartuni ilinniarsimanngitsut piginnaasaannik misissusoqassaaq.
- 2. Pikkorissarnernut ilinniaqqinnernullu isaaffimmik pilersitsineq pikkorissarfissanillu allatsitsiviliorqarneq.** Namminersorlutik Oqartussani Pitsaaliuinermut Isumaginninnermullu Aqutsisoqarfimmi pikkorissarnernut ilinniaqqinnernullu isaaffimmik pilersitsisoqassaaq, pikkorissarnissamut ilinniaqqinnissamullu neqeroorutinik tamakkiisumik takunnissinnaalersitsisumik. Isaaffik aqqtigalugu pikkorissarnissanik kommunit toq-qaannartumik aamma inniminniisinnaassapput. Kommunenut nassiusorneqarsinnaasumik pikkorissarfissanik allatsitsiviliorqassaaq.
- 3. Pikkorissarnernik naleqqussaaneq.** Pikkorissarfissat sorliit tunngaviusumik ilinniarfinni ilinniaqqiffissanilu ilinniagaqarnissamut tigusaassutaasinnaasumik soraarummeeruti-taqassanersut nalilersorneqassaaq. Tamanna ilinniartitaanermut suliassaqarfik suleqatigalugu pissaaq. Ilinniakkanik nutaanik pilersitsinissamut pikkorissarfissallu pioreersut naleqqussarnissaannut aamma periarfissaqassaaq, pikkorissarnissamut piginnaanngorsarnissamullu ujartorneqartunik naaperiaalluarnerusoqarsinnaaqquillugu.

## **INNERSUUSSUT 8. Meeqqañut ornittagassaannik misiliutitut pilersitsineq**

Suleqatigiissitamit innersuussutigineqarpoq, kommunini tamani ataatsimik illoqarfinni/nunaqarfinni tallimani meeqqañut qimarnguimmik misiliutitut pilersitsisoqassasoq.

Ornittagassanut tunngatillugu siunertarineqartoq tassaavoq, unnukkut unnuakkullu, pingaartumik sapaatit akunnerisa naaneranni akissarsiffinni meeqqat inuuusuttullu atugarliortut toqqissillutik sumiiffissaqarnissaannut qulakkeerinninnissaq.

### **Suliniutip nassuiarnera**

Meeqqañut ornittakkat meeqqañut inuuusuttunullu 18-it ataallugit ukiulinnut ilaqtariinnit ingerlanerluttuneersunut kiisalu unnukkut unnuakkullu sumiiffissaqarnissamik pisariaqartitsisunut neqeroorutaassapput.

Meeqqañut ornittagassani siunnersorneqarnissamut, nerisaqarnissamut unnuinissamullu periarfissaqassaaq. Assersuutigalugu unnummiit aqaguani ullaap tungaanut ammasinnaapput, pingaartumik sapaatit akunnerisa naaneranni. Ornittagassat illuutigeriikkaniissinnaapput soorlu atuarfinni, sunngiffimmi ornittakkani, orniguttarfinni pioereersuni imaluunniit ulloq unnuarlut paaqqinniffinni.

Meeqqat inuuusuttullu tamarmik misissuiffigineqqaarnatik ornigussinnaassapput. Meeqqañulli ornittagassat inuuusuttunut "klubi nutaaq"-nngunnginnissaat pingaaruteqarpoq. Angajoqqaat akisussaaffimminik iperaanissaannut aamma akuersarnermik aamma kinguneqanngisaannassaaq. Taamaammat ornittakkat isumaginninnikkut oqartussanik qanimat suleqateqassapput. Meeqqat inuuusuttullu atuisut tamarmik nalunaarsorneqassapput, nalunaaruteqartoqarnissa meeqqat ilaquaasalu atugarliortut ataavartumik ikorfartorneqarnissaat qulakkeerniarlugu.

Meeqqañut ornittagassat Inatsisartut inatsisaat nr. 20, 26. juni 2017-imeersoq naapertorlugu kommunit meeqqamik ikorfartuinissamut pisussaaffiannik akisussaaffiannillu atornunaarsitsinngitsumik neqeroorutaassapput.

### **Aaqqissuussineq**

Meeqqañut ornittagassanik kommunini tallimani pilersitsinissamut aningaasaliisoqarnissanik suliniuteqarnermik kinguneqassaaq. Meeqqañut ornittagassat NGO-t suleqatigalugit pilersinneqarlutillu ingerlalluarneqarsinnaapput inuiaqatigiinnilu najukkani ilaatinneqalerlutik.

Isumaginninnermut, llaqtariinnut Inatsisinillu Atuutsinsinermut Naalakkersuisoqarfik misiliinerup piviusunngortinnissaanut akisussaasuovoq ingerlaneranilu ingerlaavartumik ikorfartuinissamut misiliinerullu naanerani anginngitsumik naliliinissamut qulakkeerinnissalluni.

## **INNERSUUSSUT 9. Ilaqtariinnut Sullissiviit sulinerat meeqqanut, inuusuttunut ilaquaannullu atugarliortunut siunnerfilerneqassaaq**

Suleqatigiisitamit innersuussutigineqarpoq Ilaqtariinnut Sullissivinni tamani (Meeqqanut Ilaqtariinnullu Sullissivissani) suliassaqarfii assigiinngitsut akornanni pisussaaffiliisumillu suliassat suuneri suussusersineqassasut kiisalu Ilaqtariinnut Sullissiviit neqeroorutaat allanngortinneqassasut ataatsimullu suliassat suussusaat naapertorlugin inuttalersorne-qassasut.

Suliniutip siunertaraa Ilaqtariit Sullissiviisa suliniutaasa pitsangorsarneqarnissaat meeqqap inuusuttulluunniit pisariaqartitaat suliniuteqarnerni tamani qitiutinnejqartarnissaat. Sulinermut atugassaritaasut aamma ersarinnerulissapput katsorsaanissamullu neqeroorutit sammivilerneqarlutik, meeqqanut, inuusuttunut ilaquaannullu atugarliortunut ikorfartuillillu katsorsaanermut annertunerusumik killilerneqarlutik. Nukiit pigineqartut atorlu-arnerujumallutik Ilaqtariinnut Sullissivinni sulisut aamma piginnaanngorsarnissamut peri-arfissaqassapput.

*Angajoqqaat meeqqanik sumiginnaasarnerat akiorniarlugu nuna tamakkerlugu iliuusissanut pilersaarummi suliniutigineqartut Ilaqtariinnut Sullissivinnut tunngasut innersuussummit ikorfartorneqarput. Ilanngullugu najukkani neqeroorutit "meeqqanut ilaqtariinnullu sullissivinni" ataatsimoortinneqalernissaat qimarguiillu ilaqtariinnut sullissivinnut ataatsimut aqutsisoqartillugit attuumassuteqartilernissaat ilaatigut pilersaarutigineqarpoq.*

### **Suliniutip nassuiarnera**

Siunnersuut suliniutinik sisamanik nassataqarpoq.

**"Meeqqanut ilaqtariinnullu sullissiviit" suliaasa nassuiarnissaat.** Ilaqtariinnut Sullissivinnut ataasiakkaanut suliat suunerinik nassuaatinut ilusiliisoqassaaq, meeqqap atugarissaarneranik ikorfartuisoqarnissaa aallaavagineqassalluni. Suliat suunerinik nassuaasiernermi sullissivinni assigiinngitsunik nukissaqarlutillu pisariaqartitsisoqarnera eqqarsaatigineqassapput. Sullissivinni suliat suunerinik nassuaasiornikkut qimarguiit najugaqatigiiffiillu aamma nassuiarneqassapput. Saaffigisanut minnerpaamik annerpaamillu piumasaqaatit nassuiarneqassapput. Neqeroorutinik tulleriaarilluni pingaarnersiuinermut atatillugu suliniutinit pitsaliuiffiusunit allanit isumagineqarsinnaanersut aalajangerneqassaaq.

**Meeqqanut ilaqtariinnullu sullissiviit pillugit nalunaarusiorneq.** Suliat suunerannik nassui-aat nalunaarummik ilaneqassaaq, saaffiit, qitiusumik suliassat, neqeroorutit kiisalu kommu-nini ataasiakkaani meeqqanut ilaqtariinnullu sullissiviit annerpaamik minnerpaallu suliassarisassaattut naatsorsuutigineqarsinnaasut ilanngunneqassallutik. Ilaqtariinnut sullissivinni ataasiakkaani suliat suunerinut nassuaasiernerni illoqarfinni mikinerusuni nunaqarfinnilu pisariaqartitanut kommunit naleqqussaasariaqarsinnaanerat nalunaarummi eqqarsaatigineqassaaq.

**Suliniutinik allanngortitsineq.** Kommunit nammineerlutik sullissiviit nalunaarut naapertorlugu allanngortissavaat aalajangiiffigisinnallugulu meeqqanut ilaqtariinnullu sullissivim-mut atatillugu najugaqatigiiffimmik pilersitserusunnerlutik.

**Piginnaanngorsaanermik ineriertortitsinermut naoqqutassiorneq ingerlatsinerlu.** Imarisaa-nut, saaffigisanut pilersaarutinullu tunngatillugu piginnaanngorsaanermut ineriertortitsi-nermik naoqqutassiorqassaaq. Piginnaanngorsaanerit ingerlanneqassapput. Pikkorissar-nernik pilersitsisoqassappat siunissami soraarummeerutigineqartartunut ilanngunneqas-sapput.

## **INNERSUUSSUT 10. Meeqqañut inuusuttunullu atugarliortunut kinguaassiutitigut atornerlunneqarsimasunut katsorsaanissamut neqeroorut pitsanngorsarneqassaaq**

Suleqatigiissitamit innersuussutigineqarpoq meeqqañut inuusuttunullu atugarliortunut kinguaassiutitigut atornerlunneqarsimasunut ornigulluni katsorsaaneq pitsanngorsarneqas-sasoq. Tamanna pissaaq, meeqqañik katsorsaajartorlutik angalasartoqatigiit pioereersut marloriaatinngortinnerisigut katsorsaasunik sisamanik ilanerisigut, meeqqat inuusuttunullu atugarliortut amerlanerit illoqarfinni nunaqarfinnilu pisariaqartitaminnik katsorsarneqar-sinnaasunngorlugit. Taamatuttaaq kinguaassiutitigut atornerluinerit pillugit ilisimasat kat-sorsaariaatsillu Kalaallit Nunaanni tunngavilersinnaajumallugit, Qitiusumik Siunnersuisoqa-tigiit piorsaavagineqassapput.

Suleqatigiissitamit aamma innersuussutigineqarpoq tarnip pissusaanik ilisimasalinnik atta-sinermut sulisussarsiornernullu iluaqutaasinnaasunik iliuuseqartoqassasoq, katsorsaanis-samut neqeroorutit ilaneqarnerat piujaannartinneqarsinnaanissaat qulakkeerniarlugu.

Meeqqat inuusuttunullu ukioqangitsunit 18-it tikillugit ukiullit kinguaassiutimikkut atornerlun-neqarsimasut pingaarnertut saaffigineqarput. Pineqartut tassaasinnaapput meeqqat inuu-suttullu angerlarsimaffimminni najugaqartut - ajornanngippallu ilaqtariinnut sullissivimmu-kartartut, kiisalu meeqqat inuusuttunullu allami najugaqartut, soorlu ulloq unnuarlu paaqqinnif-finni atuarfiullu angerlarsimaffiini imaluunniit ilaqtattaminni paarsisartuni ilaqtattaminniluun-niit najugaqartut. Tulliatut saaffigineqartut tassaapput meeqqat inuusuttunullu meeqqañut inuusuttunullu allanut kinguaassiutitigut kannguttaatsuliortutut pissusilersortut.

### **Suliniutip nassuiarnera**

Siunnersuut suliniutinik pingasunik nassataqarpoq.

***Meeqqañik katsorsaajartorlutik angalasartoqatigiit pioereersut marloriaatinngortinneqas-sapput*** sisamanik katsorsaasunik nutaanik, tarnip pissusaanik ilisimasalinnik marlunnik tarnip pissusaatigut katsorsaasunillu marlunnik atorfinititsinikkut. Meeqqat inuusuttunullu kinguaassiutimikkut atornerlunneqarsimasut namminnerluunniit kinguaassiutitigut kan-ngaутtaatsuliortutut pissusilersorsimasut amerlanerusut misissorneqarlutillu katsorsarne-qarsinnaanissaannut iluaqutaassapput. Ilutigitillugu ilisimasanik katsorsaanerullu meeqqat akornanni ulluinnarni suliaqartunut tunngavilerneqarnerunissaanut katsorsaasartut taper-siissapput. Meeqqañik katsorsaajartorlutik angalasartoqatigiit amerlinerisigut illoqarfinnut nunaqarfinnullu noqqaasunut amerlanerusunut anngussinnaanissaq siunertarneqarpoq.

***Qitiusumik Siunnersuisarfik patajaallisarneqassaaq***, kinguaassiutitigut atornerluinerit pil-lugit ilisimasat katsorsaariaatsillu Kalaallit Nunaanni tunngavilerneqarniassammata. Tamanna pissaaq Qitiusumik Siunnersuisoqarfimmi sulisut amerlanerusut immikkut suliassaqarfin-nut nussornerisigut kingornalu Meeqqañik katsorsaajartorlutik angalasartoqatigiit suline-rannik ikorfartuillutik. Kinguaassiutitigut atornerluineq pillugu ilisimasanik katsorsaariaat-sinillu tunngaviliiniarnermi elektroniskimik ernumanermut uuttortaammik ineriartortitsiner-mut, ilinniartitsinernut, pikkorissarnernut siunnersuinernut siunersuinernullu Københavnimi Januscenteri ikuutissaaq.

***Tarnip pissusaanik ilisimasalinnik amerlanerusunik attassinermi sulisussarsiornermilu iluaqtissanik suliniuteqartoqassaaq***, tamannami massakkut ajornartorsiutaasorujussuu-voq. Taamaammat Kalaallit Nunaanni tarnip pissusaanut inatsimmik suliaqarlunilu atulersit-sisoqarnissaanut kiisalu ajornannginnerusumik sulisinnaanermut akuersissuteqarsinnaaneq siunertaralugu Kalaallit Nunaanni tarnip pissusaanik ilisimasallit akunnerni 160-ini siun-ersiuinermik siunnersorneqarnissamik piumasaqaammit immikkut akuersissuteqarfigineqar-nissamut periarfissanik misissuoqassaaq.

## **INNERSUUSSUT 11: Kinguaassiutitigut atoqateqarnikkut allatigulluunniit kinguaassiutitigut iliuuseqarnikkut meeqqanik pinngitsaaliinerni pineqaatissiissutit sivitsorneqarnissaat**

Suleqatigiissitamit innersuussutigineqarpoq inunnik 18-it ataallugit ukiulinnik kinguaassiutitigut atoqateqarluni allatigulluunniit kinguaassiutitigut iliuuseqarluni pinngitsaaliinerni pineqaatissiissutit 50 pct.-imik sivitsorneqassasut, *pinerluttulerinermut inatsimmi §77 takuuk.*

### **Suliniutip nassuiarnera**

Meeqqanik pinngitsaaliinerni, imaappoq inunnik 18-it ataallugit ukiulinnik kinguaassiutitigut atoqateqarluni allatigulluunniit kinguaassiutitigut iliuuseqarnerni, pineqaatissiinerit 50 pct.-imik sivitsorneqarnissaat innersuuteqarnermi siunertarineqarpoq.

18-it inorlugit ukiulinnik pinngitsaaliinerni, pinerliisup nakuuserneq siorasaarinerluunniit atorlugit kinguaassiutitigut atoqateqarnissamut kinguaassiutitigulluunniit allatigut iliornikkut pinngitsaaliisumut pineqaatissiissutit sivitsorneqarnissaat innersuussut nassataqassaaq, *pinerluttulerinermut inatsimmi §77, imm. 1, nr. 1 takuuk.*

Pinngitsaaliinerni, 18-it inorlugit ukiulimmik pineqarnerminit akiuussinnaanngitsumik pinerliisoq kinguaassiutitigut atoqateqarpal allatulluunniit kinguaassiutitigut iliuuseqarpal pineqaatissiissutit sivitsorneqarnissaannik innersuussut aamma nassataqassaaq, *pinerluttulerinermut inatsimmi §77, imm. 1, nr. 2 takuuk.*

Pinngitsaaliinerni pinerliisoq meeqqamik aqqaneq-marlk ataallugit ukiulimmik kinguaassiutitigut atoqateqarpal allatulluunniit kinguaassiutitigut iliuuseqarpal pineqaatissiissutit sivitsorneqarnerannik innersuussut aamma nassataqassaaq, *pinerluttulerinermut inatsimmi §77, imm. 1, nr. 3 takuuk.*

Pinerluttulerinermut inatsimmi §77 imm. 1, nr. 1-3-mi pinerlunnerit ilungersunartut assigüngitsut arlaqartut pineqarput, ilaallutik saassussilluni pinngitsaaliinerit allatullu meeqqamik aqqaneq-marlk ataallugit ukiulimmik kinguaassiutitigut atoqateqarnermit allatut iliornerit pinerluutigineqartullu inatsisit atuuttut naapertorlugit pinerluutigineqartut ilungersunassusaapeqquaatillugu qaammatalunnit ukiorpassuarnut pineqaatissinnejqarsimasunut inisiisarfimmieinnermik aalajangiiffingeqartarlutik.

Pinerluttulerinermut inatsimmi §77, imm. 1, nr. 1 naapertorlugu pinngitsaaliinermut massakkut pineqaatissiissutinut assersuutitut pinerlunnuunngitsumullu pinngitsaaliinermut ataatsimut pisumut 50 pct.-imik sivitsuinerup sunniutaanik assersuut takuuk boksi 6.1:

### **BOKSI 6.1**

#### **Assersuut**

Suliaq, 35-inik ukiullip qulinik ukiulimmik pinngitsaaliisup massakkut pineqaatissiarneq naapertorlugu ukiuni pingajuat qeqqanit sisamaat qeqqanut pineqaatissinnejqarsimasunut inisiisarfimmieinnermik aalajangerneqassaaq.

Siunnersuummi suliap assingani pinerliisoq ukiuni sisamaat affaasa missaannit ukiut tallimat tikillugit pineqaatissinnejqarsimasunut inisiisarfimmieinnermik aalajangiisoqassaaq.

## **INNERSUUSSUT 12. Kalaallit Nunaanni Politiini immikkoortortamik meeqyanut kinguaassiutitigut atornerlunneqarsimasunik sammisaqartussamik pilersitsineq**

Suleqatigiissitamit innersuussutigineqarpoq Kalaallit Nunaanni Politiini immikkoortortamik meeqyanut kinguaassiutitigut atornerluinernik akiuinermik suliaqartussamik pilersitsisoqassasoq. Meeqyanut inuuusuttunullu kinguaassiutitigut atornerluisimasoqartillugu sulianik sukkasuumik sunniutilimmillu suliaqarnissamut ikorfartuinissat siunertarineqarpoq.

### **Suliniutip nassuiarnera**

Meeqyanut kinguaassiutitigut atornerluinerit pillugit sulianut immikkoortortaqt katersuufittut atorneqassaaq. Immikkoortortaqt sulianik misissuisinnaassaaq tassungalu atatillugu nalilerlugu sinerissami politeeqarfinni politiit sulinerannik ikiuunnissamut qanoq pisariaqartitsisoqartiginersoq. Videokkut killisiuinerit immikkoortortamit ingerlanneqartarnissaat tunngaviusariaqarpoq, nalileereernermi suliamik ingerlatsineq najukkani politeeqarfinnit ingerlanneqarsinnaallutik.

Pinasuartumik toqqissimatitsilernissaq siunertaralugu iliuuseqartoqarnissaa immikkoortortamit paasineqarpat, immaqa illoqarfimmi nunaqarfimmiluunniit aalajangersimasumi immikut ittumik ajornartorsiuteqarpat imaluunniit suliap aalajangersimasup annertussusaata kingunerisaanik, najukkami politeeqarfiiup sulineranik immikkoortortamit ikorfartorneqarsinnaavoq assersuutigalugu innuttaasunik oqaloqateqarluni ataatsimiisitsinikkut, atuarfinni suliffinnilu saqqummiinikkut kinaanermillu isertuussilluni oqaloqateqarnissamik periarfisiinikkut.

Meeqyanik inuuusuttunillu kinguaassiutimikkut atornerlunneqarsimasunik siamasinnerusumik suliaqarnissap qulakkeerneqarnissaa siunertaralugu suliani tamani immikkoortortaqrifimmi attaveqarfissamik toqqaasoqartassaaq, pinerlineqarsimasut qanigisaasalu siunner-sorneqarnissamik suliallu ingerlaranganik ilisimatinneqarnissamut attavigisinnaasaannik.

Suliaqartunik naleqquettunik ilinniartitseqqinnernik, ilisimatiseqatigiinnerunermik kiisalu ataqtigiissakkamik sunniutilimmillu suliniuteqarnissaq qulakkeerniarlugu oqartussanut allanut, ilanngullugit Pitsaaliuinermut Isumaginninnermullu Aqutsisoqarfimmik, kommuninik peqqinnissaqarfimmillu suleqateqarnerup pitsangorsarnissaannik ukkataqarnermik immikkoortortaqarfik aamma isumaginnituussaaq.

### **Aaqqissuussineq**

Immikkoortortaqarfimmi politikommissæri, unnerluussisoq politiillu qulingiluat sulisorineqarsinnaapput, videokkut killisiuinerik, misissuinernik sullissinernillu ingerlatsisussat. Immikkoortortami aamma ilinniagartuumik sulisoqarsinnaavoq, misissueqqissaarnernik, suliassaqarfiiit assigiinngitsut akornanni pilersaarutinik, ilisimatiseqatigiinnerik oqartussaqrifinnillu allanik suleqateqarnerik suliaqarsinnaasumik ilaatigullu angalanernik ataqatigiissaarinernik, videokkut killisiuinerit allatornerannik allaffissornikkullu suliassanik assigiinngitsunik ikuussinnaalluni.

Immikkoortortaqarfik Nuummi qullersaqarfimmi inissinneqassaaq, sinerissamili illoqarfinnut nunaqarfinnullu aamma angalasinnaassalluni najukkani sulianik ikuukkiartorluni, soorlu videokkut killisiuinerut eqqartuussivitsigoortitsinernullu tunngatillugu.



### **INNERSUUSSUT 13. Kinguaassiutitigut pinerluuteqarsimasutut Kalaallit Nunaanni Pinerluttunik Isumaginnittuni inissinnejqarsimasunut iliusissaq**

Suleqatigiissitamit innersuussutigineqarpoq kinguaassiutitigut pinerluuteqarsimasutut pineqaatissinnejqarsimasunut Kalaallit Nunaanni Pinerluttunik Isumaginnittuni inissiisarfimmiitneqartunut marloqiusamik suliniummik ineriartortitsisoqarlunilu atulersitsisoqassasoq. Kalaallit Nunaanni kinguaassiutitigut pinerluuteqarsimasutut pineqaatissinnejqarsimasut inissiisarfimmanneranni saaffigisamut tunngatillugu periaatsit ilisimaneqartut tunngavigalugit pinerluttaalisitsinermik ikorfartuillunilu pitsanngorsaanissaq siunertarineqarpoq.

#### **Suliniutip nassuiarnera**

Kalaallit Nunaanni Danmarkimilu periaatsit ilisimaneqartut misilerarnejqarsimasullu isumas-sarsiorfigalugit marloqiusamik eqimattanik tunngaveqartumit suliniuteqarnissaq tunngaveqarpoq.

Aallartitassami siullermi siunertarineqarpoq kinguaassiutit atornerat, kinguaassiutitigut ineriartorneq killillu – nammineq allallu – pillugit ilisimasanik aalajangersimasunik pisariit-sumillu inissiisarfinniittunut siammerterinissaq. Saaffigineqartut akornanni kinguaassiutit atornerat pillugit paasinnillunilu paasisimasaqarnerup killeqarnera ajornartorsiutaasoq

ilisimaneqarpoq sammisarlu paquminartutut isigineqarsinnaalluni. Iliusissaq Nuummi Pinerluuteqarsimasunut Inissiisarfimmi inerisarneqarlunilu misilerarneqareerpat Kalaallit Nunaanni inissiisarfinni tamani neqeroorutigineqassaaq ataavartumillu ingerlanneqartas-salluni.

Aallartitassap aappaanni suliniutigineqartoq nunani tamalaani pinerluttaalisitsinermi nersugaasumi periuseq RNR (Risk-Need-Responsivity), Danmarkimi Pinerluttunik lsumaginnittut atorneqartoq aallaavigalugu inerisarneqassaaq. Siunertami eqimattanik tunngaveqarluni sapaatit akunnerisa arfineq-pingasut ingerlaneranni ataatsimiinnerit 16-it ingerlanneqas-sapput. Aallaavittut naatsorsuutigineqassaaq inissineqarsimasup kinguaassiutitigut pinerluuteqarsimasutut eqqartuunneqarsimasunut ataatsimoortumik suliniutigineqartumi aallartitassamik siullermik ingerlatsisimassasoq. Siunertaq Nuummi Pinerluuteqarsimasunut Inissiisarfip matoqqasortaaniittut ammasortaaniittullu neqeroorutigineqarsinnaapput. Siunertarisaq tamakkerlugu ingerlassinnaajumallugu inissiisarfimmiinnerup naanissaanut pif-fissaqarlurnissaa naatsorsuutigineqassaaq. Aallaavittut siunertap Nuummi kisiat ingerlan-neqarnissaa eqqarsaatigineqarpoq. Siunertamik nalilersuinermut atatillugu siunertap nuna-mi inissiisarfii ilaanni tamaniluunniit ingerlanneqarsinnaanersoq nalilersorneqarumaarpoq.

Sunniuteqarneranut aamma aalajangiisuussaaq Pineqaatissinneqarsimasunut Inissiisarfimmi suliniutigineqartut allat tunngavigalugit pineqaatissinneqarnermi malitseqartitsinermik ataavartumik suliaqarneq iperagaanermilu oqartussaasunik naleqquttunik suliatigut suleqatigiinneq. Taamaammat pingaaruteqarpoq inuiaqatigiinnut akuujartoqqinnerup nalaani iperagaareernermlu kommuninit allaniillu suliaqartunit malitseqartitsisarnissaq, Pinerluttunik lsumaginnittut piffissami killiligaasumi aqunneqaqqissaartunillu avatangiiseqarluni inissiisarfimmiittoq tigummiartarmassuk. Kinguaassiutitigut pinerluuteqarsimasutut eqqartuun-neqarsimasut arlaqartut (tarnikkut) katsorsarneqarnissamik, atornerluinermik katsorsarne-qarnermk iisalu ilaqtutanut inunnnullu allanut attaveq(aqqi)lernissamut ikiorneqarnissamik aamma pisariaqartitsisarput soorlu aamma ilinniartitaanikkut suliffeqarnikkullu suliniute-qarnissamut arlaqartut pisariaqartitsisartut.

Siunniussami naleqqussarneqarsimasumik inerisaaneq, KiG-imip qeqataasut naleqquttut ajornanngippallu sorianut immikkut ilisimasallit avataaneersut (JanusCentret) suleqatigalugit, Koncern Resocialiseringimi (KRE) Pinerluttunik lsumaginninnermut Pisortaqarfimmi sorianut immikkut ilisimasalinnit naleqquttunit ingerlanneqassaaq. Siunertanik aqutsisusanik isertitsivimmilu nakkutilliisunik aallarniutaasumik ilinniartitsillunilu piginnaanngor-saaneq KRE-mit aamma ingerlanneqassaaq. Tamassuma kingorna ataavartumik ilinniartit-sineq KiG-mit tiguneqassaaq, pisariaqarpat KRE-mit ikiorneqarluni.

Atulersitsinerup ukiunik marlunnik sivisussuseqarnissaa naatsorsuutigineqarpoq. Tamassuma saniatigut inerisaanerup piareersarnerullu ukiumik ataatsimik sivisussuseqarnissaa naatsorsuutigineqarpoq, tamassuma kingorna ingerlatsilinnginnermi suliniut misilerarne-qarlunilu naleqqussarneqassaaq.

## **INNERSUUSSUT 14. Nuummi Pineqaatissinnejarsimasunut Inissiisarfimmi katsorsagassanut inissaliisoqarnissa.**

Inunnut kinguaassiutitigut pinerluuteqarsimasutut eqqartuunnejarsimasunut Nuummi Pinerluuteqarsimasut Inissiisarfia ammasortaani katsorsaavittut inissanik arfineq-pingasunik aqqaneq-marlunnik inissaliisoqarnissa suleqatigiissitatit innersuussutigineqarpoq. Kinguaassiutitigut pinerluuteqarsimasunut pineqaatissiivimmik avatangiiseqartitsinissamik ukkataqarnissaq siunertarineqarpoq, pinerluttaalisitsinermik suliniuteqarneq katsorsaanerlu siunertaralugit eqqartuunnejarsimasunik aaqqissuussamik misissuisoqarlunilu ulluinnarnik aaqqissuussanik pilersitsisoqassalluni.

### **Suliniutip nassiarnera**

Siunnersummi aamma naatsorsuutigineqarpoq:

- Kalaallit Nunaanni inuit kinguaassiutitigut pinerluuteqarsimasutut eqqartuunnejarsimasut kikkuuneri tunuliaqutaallu pillugit ilisimasaqarfimmik suliaqarnissamut tungavissaqalerneq.
- Inuit kinguaassiutitigut pinerluuteqarsimasutut eqqartuunnejarsimasut pillugit peq-qinnissaqarfimmik kommuninilu suleqatigiinnermut atatillugu "saaffissamik ataatsimik" politikkeqarnissamut pilersitsineq taamaaliornikkullu Kalaallit Nunaanni Pinerluttunik Isumaginnittut oqartussaasullu allat akornanni suleqatigiiffiup ajornannginnerulerlunilu pisariunnginnerulissammatt.

Siunnersuut iluatsissappat kinguaassiutitigut pinerluuteqarsimasutut eqqartuunnejartunut katsorsaavinnut inissani inissisimasut pineqaatissinnejarneranni immikkut ittumik ingerlat-sivigineqarnissaannut ineriaartortitsisoqarnissamik piumasqaatitaqarpoq, makkuninnga imaqartunik:

- Suliniummik misissuineq pilersaarusiornert.
- Aaqqissuussamik eqqoriaruminartumillu suliffeqarnermik suliniut, tassani eqqarsartaatsikkut sangiitsunut suliniutit immikkut pingaartillugit siunertalimmillu ingerlat-sineq (aamma takuuk Kinguaassiutitigut pinerluuteqarsimasutut Kalaallit Nunaanni Pinerluttunik Isumaginnittuni inissinnejarsimasunut suliniutissatut siunnersuut).
- Inissiisarfimmi tarnip pissusaanik ilisimasalimmit/tarnip pissusaanik katsorsaasar-tumit katsorsarneqarneq/oqaloqateqarneq.
- Peqataasunik naleqquttunik suleqateqarnermik ukkataqarneruneq, ilanngullugit misissuinermi Dronning Ingridip Napparsimmavia kiisalu Allorfik atornerluinermik katsorsaaneq eqqarsaatigalugu, saaffigisanut attuumassutilimmik suliniutaagajuttoq.
- Iperagaanermut atatillugu oqartussaasunik attuumassutilinnut tunniussineq ataqtatigiissaarinerlu pillugit suliniuteqarneruneq.

Kinguaassiutitigut pinerluuteqarsimasutut eqqartuunnejarsimasut tamarmik katsorsaaner-mik inissanut inissinnejarsinnaanaviannginnerat eqqarsaatigissagaanni, Nuummi Pineqaatissinnejarsimasunut Inissiisarfinni ilisimasat amerliartuinnartut inissiisarfiiit sinnerinut siaruarlutilu atorneqarsinnaalissapput. Taamaammat Nuummi sulisut attuumassuteqartut inissiisarfinni allani nakkutilliisoqarfinnilu ilitsersuillutillu sulinermut ilanngussisinnaanisaat pillugit pilersaarusiortoqassaaq.

## **INNERSUUSSUT 15: Kalaallit Nunaanni Pinerluttunik Isumaginnittut Katsorsaanermut attaveqaqatigiinnut ilanngunneqarnissaa**

Suleqatigiissitamit innersuussutigineqarpoq Nuummi Pineqaatissinneqarsimasunut Inis-  
siarfimmi tarnip pissusaanik ilisimasallit aammalu tarnip pissusaanik katsorsaasartut  
Danmarkimi Katsorsaanermut attaveqaqatigiinnut atassutilerneqassasut, kinguaassiutiti-  
gut atoqatigiinneq pillugu ilisimasanut attuumassutilinnut illuatungeqarluni sungiusarnerit  
pissarsiassallu eqqarsaatigalugit.

Inuit kinguaassiutitigut pinerluuteqarsimasutut eqqartuunneqarsimasut pineqaatissinne-  
qarneranni katsorsaanermut atatillugu Kalaallit Nunaanni Pinerluttunik Isumaginnittuni  
tarnip pissusii pillugit ilisimasat annertusarneqarnissaasa ikorfartorneqarnissaasi siuner-  
tarineqarpoq.

### **Suliniutip nassuiarnera**

Inuit kinguaassiutitigut pinerluuteqarsimasutut eqqartuunneqarsimasut Nuummi Pinerluu-  
teqarsimasunut Inissiisarfimmanneranni aalajangersimasumik naliliisoqareernerani tarnip  
pissusaanik ilisimasalimmik imaluunniit tarnip pissusaanik katsorsaasartumik oqaloqate-  
qarnermik ullumikkut ingerlatsivigineqarsinnaapput.

Kalaallit Nunaanni tarnip pissusaanik ilisimasallit sulisut saaffit siamasissut sullippaat  
saaffigisanullu immikkut ilinniagaqaratik peqqinnissaqarfimmilu siunnersorneqarlunilu  
siunersiuinissanut periarfissat killeqarlutik.

Inuit kinguaassiutitigut pinerluuteqarsimasutut eqqartuunneqarsimasunut Nuummi Pine-  
qaatissinneqarsimasunut Inissiisarfimmittunut suliniutaasoq pitsangorsarniarlugu tarnip  
pissusaanik ilisimasallit marluk tarnip pissusaanillu katsorsaasoq ataaseq Danmarkimi inis-  
siarfimmi Katsorsaanermut attaveqaqatigiiffimmi atorfeqartunut atassuserneqassapput,  
suliatigut siunnersorneqarluni siunersiuinissat piginnaasallu ataavartumik qaffassartuar-  
nissaat siunertarineqarlutik.

### **BOKS 6.2**

#### **Katsorsaanermut attaveqaqatigiit pillugit**

Danmarkimi peqqinnissamut oqartussat pinerluttunillu isumaginnittut akornanni  
suleqatigiissutigalugu Katsorsaanermut attaveqaqatigiiffik 1997-imi pilersinneqarpoq.  
Attaveqaqatigiiffik massakkut Danmarkimi Pinerluttunik Isumaginnittunit, Rigs-  
hospitalimi Sexologisk klinikimi, Middelfartimi tarnikkut nappaatilinnut sullissivik  
Risskovimilu tarnimikkut nappaatilinnut immikkoortortaqarfimmit sinniisoqarput.  
Attaveqaqatigiiffimmi suliffeqarfii arlalinnik sullissivimmik suleqatigiillutik sulip-  
put inunnillu kinguaassiutitigut pinerluuteqarsimasutut eqqartuunneqarsimasunut  
atatillugu suliatigut suliniuteqarnernut tamakkiisumik akisussaallutik. Suliffeqarfii-  
li katsorsaanikkut ilisimatusarnikkullu nammineerluinnarlutik atuupput, tamannali  
pillugu katsorsaanermut attaveqaqatigiiffimmut ilisimatitsisarnissamut pisussaaffe-  
qarlutik. Attaveqaqatigiiffik ataqtigisaarinerterik aamma atorfeqarpoq taannalu  
Rigshospitalimi Sexologisk Klinikimiilluni. Ataqtigisaarinerterik atorfik peqatigiif-  
finnit peqataasunit sisamaasunit marlunnik aqutsisoqatigiinnit ingerlanneqarpoq  
peqataasullu immikkoortuupput namminneerlutik ingerlasut.

## **INNERSUUSSUT 16. Inersimasunut meeqqanut inuusuttunullu 18-it inorlugit ukiulinnut kinguaassiutitigut kannguttaatsuliornermik pissusilersortartunut katsorsaanermik sullissivimmik pilersitsinissaq**

Suleqatigiissitamit innersuussutigineqarpoq inersimasunut meeqqanut inuusuttunullu 18-it inorlugit ukiulinnut kinguaassiutitigut kannguttaatsuliornermik pissusilersortartunut katsorsaanermik sullissivimmik Pitsaaliuinermut Isumaginninnermullu Aqtsisoqarfipataani pilersitsinissaq ikorfartorneqassasoq. Killiliisa pillugu periusissiamik atulersitsinerup ilaattut innersuussaavoq.

Katsorsaanermut sullissivimmi siunertarineqassaaq, meeqqanut inuusuttunullu kinguaassiutitigut siunissami atornerluinissat unitsillugillu pinaveersaartinnissaat. Kannguttaatsuliortunut sammititamik tamakkiisumik isigaluni suliniummik periusissamik inerisaaneq, ullumikkut kannguttaatsuliornerit unitsinniarlugit ikiorneqarnissaannik ukkataqartumik neqerooruteqanngimmat. Kiisalu suliniutip pitsaassusaanik qulakkeerinninnermut sulias-saarfimmi ilisimasanik katersineq suliniutinillu allanik pisariaqarsinnaasunik inerisaaneq.

Suliniummi pingarnertut saaffigineqarput inersimasut eqqartuunneqarsimasut eqqartuun-neqarsimanngitsullu, meeqqanut inuusuttunullu 18-it ataallugit ukiulinnut kinguaassiutitigut kannguttaatsuliornermik pissusilersorsimasut. Suliniummi aappaattut saaffigineqarput eqqu-gasut, qanigisaasut, suliamik ilinniarsimasut allallu sunnerneqarsimasut attuumassusillit.

### **Suliniutip nassuiarnera**

Siunnersuut inersimasunut kannguttaatsuliortartunut sammititamik ikorfartuinermik katsorsaanermillu neqerooruteqartumik katsorsaanermut sullissivimmik pilersitsinissamik nassataqarpoq, qitiusumik suliassanik makkuninnga isumaginnittussamik.

**Misissuineq katsorsaanerlu.** Katsorsaanermik neqeroorutip imarissavaa misissuineq, katsorsaaneq, ikorfartuinermik naleqquttumik pilersitsineq pisariaqarpallu eqqugaasumik, qanigisaanik allanillu naleqquttunik oqaloqateqarneq/attaveqaqtigiiinneq. Nammineq piu-massutsimik neqeroorutaavoq siullermillu siunertarineqarpoq kannguttaatsuliororsimasutut eqqartuunneqarsimasut piukkunnarlillu piumassuseqartut, Pinerluttunik Sullissivimmit katsorsarneqarnissamut innersunneqarsinnaasa qulakkeernissaa, taamaalilluni katsorsaaneq inissiisarfimmi aallartinneqarsimasinnaasoq katsorsaanermut sullissivimmit ingerlateqqinnejqarsinnaassalluni. Taamaammat naatsorsuutigineqarpoq atuisut amerlaner-paartaat kannguttaatsuliororsimasutut eqqartuunneqarsimasuussasut. Tamassuma saniati-gut innuttaasut toqqaannartumik saaffiginnissinnaassapput namminerlu piumassutsiminnik atuisunit Tusaanngamit, meeqqanut ilaqtariinnullu sullissivinnit, kommunini sullisisunit, peqqinnissaqarfimmit allaniillu innersunneqarsimasunit katsorsaanermut sullissivik siu-nissami tigusaqartalernissaa iluatsittumik ingerlanissaanut piumasaqaataavoq.

**Inuiaqatigiinni inooqataaleqqinnissamut sungiusarneq.** Oqartussaaffiit attuumassusillit su-leqatigalugit iliuusissatut pilersaarusiortoqassaaq, katsorsaanerup naammassereernerani naammattumik malitseqartitsinissaq qulakkeerniarlugu ajornanngippallu isumaginninnikkut aarlerinaataasinnaasunik pinngitsoortitsisoqarluni. Inuiaqatigiinni inooqataaleqqinnissamut sungiusarneq pisinnaavoq eqqugaasup atornerluisullu akornanni akunnermuliutarnikkut, attaveqaqtigiiinnik ataatsimiisitsinikkut, peqatigiit pingasut oqaloqatigiinnerisigut, ilaqtariit oqaloqatigiissinnerisigut il.il.

**Misilitakkat atorlugit ilisimatusarneq.** Suliniutip sunniutaanik ilisimasanik katersinermi sullissivik ikuutaassaaq, Kalaallit Nunaanni kinguaassiutitigut pinerluuit qanoq takussutis-sartaqarnerannik ilaqtigut atorneqartussanik. Katsorsaanermik sullissivimmik pilersitsine-rup ilaattut Sexologisk Klinik, Psykiatrisk Center Københavnlu suleqatigiinnissamik isuma-qatigiissusiortoqassaaq aallartisarnerullu nalaani ilinniartitaanermik, siunersiunermik siunnersuunermillu ikuutissalluni.



social og  
indenrigsministeriet



JUSTITSMINISTERIET

NAALAKKERSUITSUT  
GOVERNMENT OF GREENLAND

